



一峯厚德堂碑記

禮莫重於祭，莫嚴於祠。唐晉以前，憂哉薤已。自宋紫陽氏闡明四親之制，而禮得通行。野與朝爭，德氓庶與公卿爭俗。一觀風而愿涼可知也。睽茲婺東，世多土著。此義尤著，大都合族醮爲大宗祠，而四親之制，縉紳先生猶罕存之。况於其他乎？此余有感於懷德鄉之吳氏也。前是余行春，崑南陶廣文觴余雙魚之池。按邑誌，訪所爲小桃源者，惜久湮沒於荒巖亂棘之場矣。廣文謂此去午嶺西數里，負南通一谷，幽岫峭深，林烟錯落，谷之內外，桃花盛開，蔚然十里步障，亦邑之奇觀也。侯願觀之乎？余欣然邀興同往，至則心神爽豁，就祠講明鄉約，髦倪彬匕，頗閑禮度。祠下薦穀，余却之，而覩花間隱匕一亭，移榭。

閑禮度

祠下薦

穀余却之而覩花間隱匕一亭移榭



以觴其所童子引道覩亭左復顏一家廟詰之則朝元朝宰兄  
弟成之以祀其先人者也余心喜之以東俗之鬪風競訟施由  
親始先後有司苦于閉閣思過而不得其端爾吳氏其猶人哉  
而兄弟斷七若是夫闕宮之嚴赫非但以妥神靈也歲時繁粢  
豐盛膾牲香醴非但以侈將享也明信孚矣思成綏矣尊其宗  
則不敢輕其身不敢輕其身四親之內殆必相勸誨以協于邁  
征堯典之親九族而平章百姓胥是物也月計歲計爾畎澮之  
羸幾何初兄弟倡義以完公祠其卒瘞之甫鳩而茲復就藏其  
捐去虞詐以肩一心猶曩時出荆之歡同株也蓋法有飲之而  
骨肉之訟解亦有毀之而寶藏之爭釋厚俗維風吾有司之是  
務媿余薄德無能消東人之紛閩語云人之好善誰不如我假



如沈闕魚肉之徒聞吳氏之風有不靦顏而汗顏者乎昔中牟童子之不忍於雉雉觀風者登爲異政茲部民吳氏之斷其於中牟之雉不足媿乎有司者且有賴焉余初禊其堂曰厚德茲復以廣文代之爲乞言而記其事於碑且使他部民其所觀感云爾

賜進士第文林郎知東陽縣事

余峯張爾嘉撰







一峯學田記

三房行敬九十

惟祭有田其來久矣學田之助讀起於近代是蓋推代耕之義而賢父兄所以養其子弟者也夫人之于學猶物之有殖也不殖則物難生長不學則人肩智慧而况

國朝以明經取士彼其立身揚名以顯 父母豈但芝蘭瓊樹必

欲置之堦庭者哉然惟世其溫厚願指如意而同本之木榮悴殊條同源之流盈涸異派溫厚寒涼不無門戶之內岐士手一

卷業異四民縱資銛力銳或有所迫而不得顯志於鉛槧豈不可傷哉才子弟乎茲立田以助讀政父兄之所深慮而預圖者也崑南吳氏元宰兄弟成厚德堂祀父一峯府君既立祀田以爲烝嘗之需矣而府君初立助讀之田二百畝至是與祀田並



藉於厚德堂中忠恕二房但有進學子弟以其田均分收其歲  
入不論出仕入監一離郡邑之學即還其田與堂以聽家老之  
別分也進學有多寡而田之初額已定一上照額霑惠此後詩  
書繁夥而有能推廣先人至增益其所未備其法如之若助讀  
之義既防異日之困迫而立法垂統爲可繼也事必歸公進學  
之得分田溫厚與寒涼一體嗟乎期後人之高門閉而贍其資  
筮周其窶因俾得肆心以攻咕嗶

祖父之事也思先人櫛風沐雨以啟疆理忍嗜割變念及寒隴  
而宵晝切磨琢成瑚璉之器競獻大廷子孫之事也吾觀一峯  
府君種德已久而二子又克嗣之語云積厚流光後必有興者  
今歲桃開復偕貢明府遊春其所余宿于厚德堂因其請而爲



之記

崑

萬曆戊午桃月上浣之吉

兩崑山長會楷陶奩齡撰

計開

四十六都八保

七百廿六號

廟下八十

田五畝九分四厘七毫

一千六百六十三號

土名菜園

田二分九厘三毫

一千六百七十號

土名三角

田三分一厘七毫

一千六百七十三號

前山廿七秤

拍田一畝六厘六毫

一千八百三十七號

土名屋基坵

田二分八厘八毫



一千八百二十八號 土名同前 田二畝五厘

一千八百三十九號 塘口八十 田四畝五分五厘

一千八百四十一號 門口六十 拍田一畝八分二厘

五十四都二保

六百五十九號 土名前山 田五分六厘

六百六十號 同前 田六分五厘

六百六十一號 前山廿七秤 田七分二厘五毛

六百六十二號 同八 田四分七厘五毛

六百六十三號 水路 田二分五厘

六百六十四號 門口陸十 拍田一畝八分陸毛



○顧峯庵記 三房

顧峯庵之剏由來起於我祖一峯翁日與祖母葛氏勤約起家鼎建今之新屋以垂後胤厥居旣旬遂與父叔商曰凡世家後裔皆有橋亭垓廟砥柱水口茲獨可少之乎叔父唯匕乃貿基庀材卜日鳩工竭蹶以荆今庵爲廟三爲樓三爲屋併臺門四棟宇翬飛廟貌整飭時萬曆己酉年十二月也祖以鎮此庵者非

伏魔聖帝不可遂募工莊嚴其像并釋迦大士諸相於中余與弟寅議所以命之因扁曰顧峯庵緣祖一峯父仰峯叔少峯欲子孫顧名而思義也父又與叔謀曰欲興此庵非置產不足以奉香火延僧徒乃各捨已有父以西山近地與之我叔以西山之山一片與之併樹其餘孔塢地菴後地皆祖所遺也敬延今陸上人住持焉



入後隨設樂器晨昏擊之焚香拜禮稱揚佛號崇奉日久余弟姪  
輩諱宸諱聲諱光諱章諱恒者又議集云廟不廣興作不足以致  
靈應且久將湮沒也况

閔公華誕與諸佛勝會非牲儀從厚何以堪供弟子之胙乎當另立  
一簿隨祠下後胤願捨者各助穀多少訂記簿中歲以時其出納  
不意漸積有餘余弟姪計其所餘置出于四十六都山頭背湖塘  
頭歲以其入計秤與之以其餘者每年遇

閔公勝會以崇奉牲醴令子孫各計穀而領胙焉毋得漫相冒支以  
啟競端子孫當永守爲定規以無負先人締始至意余年耄侄輩  
恐後世無稽請余爲記以序其顛末云

崇禎己卯夏月之吉

廷詢謹識



○世順齋記

三房安九十四

世順齋者少峯處士營於忠恕堂之後以自逸其老者也其稱  
世順何也詩云兄弟既翕和樂且湛宜爾室家樂爾妻孥吾夫  
子讀之而極其效於父母之順盖肯哉其言之矣前是處士父  
一峯府君昆季居室有田荆同株之誼焉處士效之而善事長  
兄白首怡七處士之伯仲又效之而敦睦如其再世爾之教矣  
民胥效矣伯仲盖異母兄弟也初處士陳安人舉伯氏越成人  
而一身才立一峯府君憂其繼嗣不廣而難於發言陳安人揣  
知之脫簪珥慙惠處士置二旋舉仲氏仲氏長能任事伯習儒  
而體孱嗜飲以故課花石習吟詠日婆娑文雅之場不屑七家  
人生產也於是出園錯落於境外支度繁浩於公私仲氏則悉



方代父綱紀得宜其代伯兄無以異于代父織鉅無弗稱其意  
旨族老嘉其爲人以爲同母不如也昔韓起聘魯享於季孫而  
嘆其敦睦指庭前樹贊賞之曰佳哉樹季孫則迎其意以謝之  
曰敢不樹植此樹以無忘角弓由茲以觀處士一門其封殖不  
旣深乎慨自無良相怨釁開中古而氣體之不相能漸於薄俗  
雖性稟之多嚚頑亦父母之本未端也若然者處士之內行醇  
謹達于鄉邑厥本端矣刑于伉儷仲非已出而鞠變之甚於伯  
氏仲氏之由幼得壯母子感之如一日又仲同母有二弟殤初  
舉之日處士稟於父異日析彥第論嫡庶伯氏則頓首處士之  
前兒性異薄俗幸大人毋啟釁言仲母子又感之昔南穆美姒  
德而頌福履之綏駢服賦陸機而感菟神之往伯氏之哀鞠之



也仲氏之篤克恭也陳安人之纍葛蔓也處士之隆孝友也其  
爲父子兄弟足法豈但順於家而已哉詩云伐柯伐柯其則不  
遠此先民之遺風可以矯俗者也余故以世順名齋而併記其  
事

肯

萬曆庚申季春上浣

兩崑山長會稽陶奭齡頓首拜撰

郡邑申詳當道勵語

邑侯郭公

素修克謹至性特鍾前喪母而鷄骨支床人無異議後喪父  
而柴立廬墓里有公呈歷寒暑而終身永慕可知捐室家而  
三年悲號堪念允宜表揚用彰激勵



郡侯周公

孝謹天植孺慕性成伴殯母喪蒿蓼百年身可贖倚廬父墓  
松楸三載淚未乾實跡昭然憲旌允當

署印二府袁公 奉

學道覆查報語

伏苦臨母殯哀切匪莪枕塊倚父廬情同攀柏別妻屏子愛  
迴半夜啼鵑冒暑衝寒聲斷空山淚鶴克樹經常大道允宜  
旌表其門

按院胡公獎語

一生孝義克敦三年廬墓不輟早輸 國課勉修善良扁  
其門曰孝義可風



○少峯翁入鄉賢祠暨曾孫如芝奉祠記

三房

予客之歲姑洗月步自吳寧玩玩山溪因偕友躋兩崑之巔遙望平林日滿古木雲棲自謂無任勝情快意焉復舉目縱觀極繡壤歷數材居見有鬱上葱上蒸爲佳氣者詢之未知何里斯時予意又不勝悵然也未已而叢中迥出一老人爲予言曰此吳孝子少峯之曾孫諱如芝者之居也所云古高城里不其是乎然高城與吾宗譜系共出因嘆孝子之爲人秉性天成風雨靡移即前質之顏許諸君其純德復何間然而老人且津上不輒謂至孝所渥鍾靈罔旣極贊曾孫之作求於明乙酉載繩祖武善繼志趨懇邑侯已奉令祖少峯翁入鄉賢公祠矣而邑侯復加優獎申請督學憲臣督學憲臣即批准祠生以敦崇尚以



示風勵曰世七子孫母相贊也言未畢而老人倏忽間逝矣予  
與諸友駭愕其爰憶其事異其人謂必孝思之所感俾此以相  
示也適舍傾心賞慕累日彌慙因大告諸子弟曰爾崑之南有  
異人焉其爲吾族之典型乎爾時而族弟從兄暨諸耄穉環堵  
相詢其間和者什得八九而訝我者不二三焉予一爲叙知咸  
驚異相嘆服謂顏許諸君誠難伯仲而曾孫於宣尼亦爲無愧  
昔之悵然者今已不覺勃然有動也詩曰孝子不匱永錫爾類  
其少峯翁之謂歟又曰盍爾女士從以子其曾孫之謂歟爰  
效輿人之一誦徵其德而贅諸左

樂府詞

其詞曰



美哉孝令德昭奉侍二人不憚勞綺珍斑斕佐春席棄名植  
圃意自饒菽水承歡無間伊蒿孺慕直至老

美哉孝至性純父母懷恙淚盈匕嘗藥延醫不吝金天不佑  
棄雙親前枕苫後卧林號呼慟哭身幾殞盜賊潛消夜鬼遙  
奔薦荼奠食復自循

美哉孝名已聞直指旌書達帝京豎石標名爲未至列爐崇  
祀德始馨天眷祐孕賢孫奉入鄉賢復占鬻門克繩祖武始  
爲英事同繼志乃足稱

美哉孝真可傳孝子賢孫人無間我今爲賦純孝篇安得賢  
侯梓其事播此芳躅永勵於人間

嘗



大清順治乙未孟春望日之吉

大玄宗弟之器漫識



○孝子祠生吳如芝兄記

三房行理三十九

不有作者美固弗彰不有述者盛亦弗傳二者蓋相須也况忠  
孝之事乎若高城之孝子祠生吳如芝字汝瑞者則可謂能述  
矣賦性淳朴操行端方此猶其細節也迺曾祖父諱朝宰號少  
峯者屢著孝行學使者以廬墓狀聞於巡方使者後舉于朝於  
明崇禎元年旨下建坊表異洵籍上人口矣然而鄉賢崇祀之  
事尚缺焉其未講而芝獨以爲慮即少峯翁下派不一房上不  
一人芝亦勿相諉也唯恐曾祖盛德年久或湮遂獨破產捐貲  
若干於弘光元年請入鄉賢崇祠是所稱能述者非耶則其曾  
祖固以孝德作之於前若芝之述亦可謂以孝德光其後矣是  
爲記

高城縣志卷之六 三



峇

順治乙未孟春之吉

知四川遵義府事眷侍敎生許嘉祐頓首拜撰



○通感篇

通感篇小引

余觀先世之有言行道德功業顯著者各哀以類  
載若夫像贊祭文及哀誄輓詞咸集斯篇有風木  
之思者寧不有所感觸而興孝思也耶



文獻卷下

地保大尉

余

歌

歌



○贊

尚書吳九璋像贊

儒林儀表國家棟梁風雲翰墨錦繡文章駕長虹于寥廓聽鳴鳳于高崗

魏了翁拜贊

直齋良六處士像贊

情性既古儀形且樸澄之不清撓之不濁其存也若白雲之道遙其逝也若長空之寥廓君子之道如斯宜爲後進之先覺

姚江孫世美贈

明時清隱恭廿六處士像贊

古貌龐眉炳乎外也深仁厚德粹乎中也家庭肅穆正厥躬也



化及鄉人直以公也瀟灑衣巾甘分爲明時之隱士優游杖屨  
遺安有鹿門之遺風然其專一丘一壑任適性情之真趣謹一  
唯一諾而惟道義之是從者也

海航孫克容撰

柏山敬五十四府君像贊

令儀令色一德所徵峨冠博帶惟德是旌模其外者丹青表其  
衷者言匪輕百世而下覩公之頽庶其有之鑒公之誠

雲石賈天常讚

敬五十九府君像贊

惟翁之生川岳鍾英惟翁之容冰玉同清樹厚德於厥躬垂宏  
於無垠穰上困箱未足多森上蘭桂飄天香雖處鹿門却躡冠



異日者膺天寵而紳組其煌  
上臨風展拜不覺雀躍而忻  
懽  
萬曆辛卯年  
舉人鄭來聘拜

百歲壽母徐氏安人像贊

受天清淑應地安貞既勤締絡允飭繁蘋相夫不怠廸子有成  
南穆綏履麟趾振七綵衣斑舞爰逮玄曾躬逢四代壽享百齡  
終溫且惠淑慎其身芳流彤管永作闔型佇看

鵞誥欣慰慈靈

萬曆己酉年

舉人眷生金中卿拜贊

一峯府君像贊

狀貌瑰瑋神情豁達戴仁如影赴義若渴恢緒致陶居之績而  
馭約於豐賑歲追麥舟之誼而名動觀風有澤田以啟後彥有



義塾以開鄉蒙季樹堪賞出荆合聚周雅鼓瑟一門雍七楚余  
擬其然諾龐鹿想其高踪領袖鄉邦郡邑欽崇餽漿執醕風教  
夙宗永言懿範載肅遺容

葛安人像贊

延門葛府媿徽姬姜伉儷賢達溫恭允臧猷功猷事蒸社有常  
鷄鳴戒興明星煌七素侯之享拮据靡違鄉邦頌義資厥劬勩  
二仲善繼實協義方展也淑媛偕老星霜幸追壺範令儀墻羨

眷東白山人盧洪春拜撰

安七十九府君像贊

慈仁綽約芳林杖鳩息陰密篠濯纓清流與物無競灌園悠游  
百菓春華靡不登秋施塢鋤徑伴室通幽引鮮芳治畜青層樓



有客有客杯酒綢繆由少得耄素位何求機忘抱甕物化鷓鷯  
邈矣造化之翻覆欣然歲事之去留度運生之有盡任孫子以  
箕裘獨惜夫伴室之緒業參差未就有懷招隱長憶言咲於丹

丘

天啟元年仲春之吉

賜進士第承德郎禮部主事

眷生盧洪珪拜贊

和一百一酒人贊

吾聞畢卓之睡甕劉伶之荷插每一醉而拚其軀豈盡陶徵君  
之廉節盖有托而逃于麴蘖爾何傀儡日澆一斗錐刀不爭繁  
華則醜有酒在堂欣然擊缶瓶之未罄既醉斯好山榆隰栗且  
以自保竟以自得逐飲中之八仙而未壽調疾以藥而爾之喘



息未斷猶疾呼進酒歌進酒而溘然離茲塵世吾又聞中山佳釀昔人醉千日而復起湖草蔓徐公家室苦披裘三載醒來還故里庸詎知子今之非醉耶咄上家人不顧其寢于巨室而號呼哭子死耶醉耶縱子果死而猶聽吾之囑爾上從冥漠中問屈大夫之獨醒而故沉淪於此又問各教中樂地而果千秋其自異子縱死而樂南面王應不增於夙昔之遊華胥氏富貴安在哉誰則携來以恣傲視

皆

天啟元年仲春之吉

邑庠生斯一緒拜撰



○安八十隱君徐氏安人偕老贊

媿徽儷德白首庭帟衛詩偕老萊子齊眉旣宏乾造實茂坤儀  
侵星弋雁戒旦鳴鷄良朋外廣中饋內宜誦義慷慨一壑聲施  
盍簪云我投佩伊誰青雲令器早製斑衣難兄難弟伯氏期頤  
庭植丹桂堦吐青芝一門孔固春色霏七蟠桃滿谷永佐壽卮

皆

天啟元年仲春之吉

封工部主事

眷生趙賢支拜撰



佳工將主事

春土...

天烟衣平中...

皆

國林氏封...

蓋...

對星...

飲...

○安...



祭文

祭友川安八十六茂才文

維

隆慶丁卯十一月初一日友生賈天常謹以清酌蔬粢盛庶品

致祭于

友川吳先生之神曰嗚呼惟天在上鑒察惟明福善禍淫靡不稱

情豈降臨之有錯獨遺禍于先生嗚呼先生伊惟希世之英高

城毓秀山嶽鍾靈挺生一人二五凝精爾氣亦壯爾年尚清體

椿萱之志趣執經史以勞形期大振乎綱紀欲唾取乎功名慕

精忠於廊廟先孝友於家庭務為實德亦著芳聲允矣君子宜

享遐齡人皆謂有百年之富貴胡為乎一旦之殂崩慨皇天之



之不道遽速爾於幽冥余忽焉聞訃乃愀然而弗寧欲扶服以  
往救愧智力之弗勝卒茫然如有失徙潛然而泪零嗚呼是莫  
之爲而爲亦非人之所能思矩命之顏子與長壽之彭鑿今已  
同歸於渺冥曾歲月之幾更智者目死生爲歸寄又奚必以遲  
速爲重輕世人恨塵世之多艱往七指歸路如登瀛今此不幸  
毋用戰兢所可恨者爾志弗遂所可悲者爾後弗興既已無愧  
于天地而尤值夫遭際之伶仃是宜委之于命慎無抱乎其平  
爾有昆弟將附爾於爾翁之佳城爾有猶子將歲時祀事其克  
承有同氣以相親又何怨乎孤另嗚呼死者旣不可作生者又  
何以紆其情僅取夫毛土之薦聊湏於盃酒之傾攄丹衷而爲  
忠告命工祝以致叮嚀爾其來天上之昭七起地下之惶七如



諒我心幸即我聽尚

饗

以對謀于文獻

壽士大夫與諸君其景無不負漁而顯

其功於世也夫寒亦不難其善最顯

其功於世也夫寒亦不難其善最顯

高成集卷之六

三

辛亥三



○慶賀篇

慶賀篇小引

吳氏先德各以扁類若夫家有行鄉有善景福介  
壽士大夫慶爲贈章據其最者庶不負薦紳麗犢  
以美君子之趨

覺

韓林似幸唯非謂前



○序類

慶吳君應浙八秩冠帶序

皇帝嗣登寶位之初欽

太后旨頒

詔天下凡宗臣民庶年及耄耄者賜以冠帶給以米肉絲帛恩至渥也寵至極也吾邑得數人高城吳君應浙者予與姻戚之舊也年居此列因作文以慶之故洪範五福以壽爲先孔子曰仁者壽公旣得其壽又得其祿子孫蕃衍朝省夕參具甘滌旨出告反面是享其福也茲幸獲隆盛之時推恩至老四海懽忻自古未有盛於今日也是以宗戚鄉友莫不舉九霞之觴登堂拜慶笙歌鼎沸羅綺宏開森七子姓斑斕戲舞樂其是也樂其



壽也但見耿七長庚輝煌霄漢烏紗白髮照耀鄉里若水之長  
必得其源之深如木之茂必托其根之盛蓋積善種德而有其  
壽以膺其榮傳曰故大得者必得其壽必得其祿必得其名公  
其有之於壽山福海豈待余之祝哉是爲序

皆

弘治改元歲在戊申六月望日

巧谿任琳書



○贈吳公宗佩六秩壽序

三房行良六

嘗謂天所賦爲命人所受爲性上命之理乃壽之原易曰各正性命保合太和其以是歟且性者何乃天命之性也性爲萬物之原自天地人物言之在天爲元亨利貞在人爲仁義禮智命者何乃天賦之命天以陰陽五形化生萬物氣以成形而理亦賦焉人能全其所賦之命復其所稟之性固所以修德而可以永壽矣高城吳公宗佩今年二月一日值懸弧之辰躋六秩之壽友人宣君彥明來杭徵文以賀予旣敷陳性命道德之理爲壽之原茲又述公能盡性命之事以暢之宗佩其事親也溫清定省之理不違其弟長也兄友弟恭之分不踰有子三人允錢允鏞允銀咸底成立幹蠱克家循上雅飭易不云乎家有嚴君



父母之謂也居家庭間固若是矣處鄉黨中姻戚雍睦朋友雅  
愛天理是務人欲是弭令容令儀是矜是式謂之能全性命之  
理得夫性命之天者所以能全其壽也今公之壽非止於此由  
是而中壽而上壽而老至龍鍾不難矣斯時也膺以

明詔錫以粟帛榮以冠帶樂桑榆之景享子孫之福予日望之是  
爲序

弘治癸丑二月上澣

賜進士第中順大夫知福建汀州府事前

禮科給事中致仕吳興張 寧 書



○壽吳公應奎七秩詩圖叙

三房行賢十七

予嘗觀範洪五福以壽爲先

聖天子皇極之教亦以壽爲首頌

詔天下民間有年七十者衣帛食肉八九十者冠帶菜身措斯民

於雍熙之域躋斯民於仁壽之鄉生斯世者何其幸歟嚴陵陳

廷豪一日踵門請曰東陽吳君諱思輝字應奎者世居高城重

巖之下善繼祖父之志制行平直孝親信友端雅誠莊其立心

也減其待人也恕和氣藹於一門誠一鄉之善士也尤且琴瑟

和諧福祿兼備四子善順善高善貴善愷皆能孝養讀書好禮

文質適宜之君子也公今歲七月二日乃其初度之辰與予有

往來之雅愧無以賀裝演成軸繪五老圖於其中求士大夫之



詩以贈之願得教言以冠其首余謂壽者五福之首也盖有壽  
斯享諸福壽者德之徵也公之獲斯壽也必自德以爲之本爾  
經曰仁者壽傳曰有德者必得其壽斯其驗矣是爲序

崑

弘治甲寅秋七月吉旦

賜進士第江西道御史前翰林院庶吉士

淳安吳祚 撰



○贈竹山處士八旬壽叙

三房敬三十四

竹山翁者吾鄉之逸民也其壻爲余兄盛而兄子時本與余游鄉校時談經之暇輒誦翁之德有類於古逸民云余核之則稱翁爲延陵季子之後世爲吳寧高城之吳氏家有世德雖不及著世當至翁則幼業儒長而棄之專務本業以勤儉起家亦以勤儉訓子孫及鄉人如晝茅宵綯短檠夜誦之語尤諄上焉蓋其性然也若孝不哀於二親友益篤於白首綱方而柔直謙恭而慈和雖至僕隸之徒亦不見疾言遽色而視勢利之習則恬然不以汨其中此又其大者以故室于修途于羨暨我舅氏曰和曰順曰聰皆克振家聲不墮翁厥美而我母氏之相吾父訓諸子大槩皆遵翁之遺教也其道於平昔者如此今年五月初



十月屈翁壽八旬時本甫又告示曰本之外翁之素履叔父聞之稔矣茲值中壽將稱觴於堂願丐一言以侑之余愕然曰噫喜末世以來物情大變右巧詐鄙長厚見勢思傾見利思奪陰行不軌而飾容誣善者不可勝數也於是早折急摧往也而見藥不能延方不效異者蓋亦久矣余素聞翁之行乃今喜翁之壽何必採藥好方如他所爲然其神灼也其骨吃也蓋信有古道之遺焉余嘗聞之戶樞不蠹流水不腐周公論三宗文王之壽必歸之無逸蓋言勤可以致壽也人之受用自有劑量省嗇淡薄有長久之理言儉可以致壽也况天道無親常與善人一言之善應若桴鼓即如商之四皓華之希夷彼其視富貴等浮烟耳故世莫究其年司命不制其筭也如翁之壽母乃致之有



由養之有道而可擬類於古人耶以是而知寵命錫于

天朝壽之榮也各譽茂於鄉邦壽之光也德行垂于後嗣壽之餘也子之言抑且有驗而匪諛矣嗟夫變詐者伐生之筮也忮害者滅性之波也隱詭者促歸之崇也嗜慾者燹命之火也何疑乎翁之壽躋此而又莫知所紀極也子欲壽翁亦述乎翁之所自壽者壽之之可也又奚俟乎余言

皆

萬曆辛巳孟夏之吉

鄉進士知河南歸德府事

眷侍生壽時蔣大用拜撰







○壽一峯吳公七秩叙

三房敬九十

嘗讀記稱人生七十曰老而傳夫年至七十老矣胡以傳也古  
之人七十而致政伏在蓬茅者亦致其家政與厥子若孫其生  
平所建樹蓋至此考其成焉故曰君子創業垂統爲可繼也可  
繼則可傳矣世稱七十爲古稀非老而七十之稀也若吾鄉一  
峯吳公殆其人云公丰神英偉襟宇闔朗接人恂也 有禮遇事  
有毅然不可撓之氣治生業務本約用不與末俗競浮靡竒羸  
入出動中機宜資筮日以宏裕視所承襲箕裘之緒不啻倍蓰  
事伯氏仲氏恩禮脩至自束髮至白首無間言待宗族以親睦  
待里閭急人之困周人之乏人以長厚稱厥配葛氏與公齊眉  
偕老以勤儉相唱隨有鷄鳴交警之風厥子暨若塊孫瑞卓犖



耶謝家之玉樹不少讓焉然則公之盛而傳與歙子若孫之傳  
其盛者寧有既耶太史公曰山深而龍蛇生焉人富而仁義附  
焉徃境內歲大稜閭閻嗷上待哺公願出私困賑本里之飢者  
曾當道有發帑之檄而止亢是也仁義何可勝用哉夫所謂  
仁義者非必浮慕博濟之名以震耀觀聽恤惻獨解紛爭惇族  
屬聯戚黨崇禮讓樂施予種上皆仁義之用公業已加之意而  
欲見之行矣繇此設誠行之以凝天和以介繁祉耄耆期願將  
次第躋焉而適觀歙子若孫雲蒸霧滃之盛然則公之盛而傳  
於歙子若孫之傳其盛者寧有既耶公華誕七袞期在辛卯之  
秋余不佞受事含山不及隋諸父老北海之觴爰乘公暇製蕪  
詞綴公之盛美緘而歸之以爲公賀且爲公望云



峕

萬曆壬辰冬月之吉

知含山縣事眷侍生賈宗正頓首拜撰



○壽待召一峯吳翁八秩叙

三十一歲九十九

待召一峯吳翁春秋時延陵季子之後也茲壽躋八十余弟天常應鳳偕

翁之中表甥胡廷蘭輩請余徵言余於翁諸孫闔閭之親也又安敢以不文辭余惟仁壽之旨始于宣父蓋仁者之心和心和則形和形和則氣和而天地之和應之黃唐以前渾鶴仍在其人多至千餘年嗣是淳風漸漓而形與氣首之矣方士不達其旨而以吐納之術求之久則其枝葉而神竟不王故弘範叙五福壽居其先也蓋其所爲難也翁之懿行不可臚舉大較求人於和者也孝友宜于家門睦婣施于宗黨而任恤叶於人群耶有不相能者矢及輶跼猶然卷繫也家裕於資不以博筭爲工



而於人時有所緩急前戊子己丑之間歲連不登人有菜色於是縣大夫蒲陽嚴公始議賑貸而以其事責成於鄉之富人衆頗有難色翁毅然以穀八百首倡大夫喜甚以殊禮上之將遂以此建市義者旗鼓最後三院以其議未均也寢格不行而翁之名則颯洋於八卦之中外矣翁以是淑身而刑於其家厥子朝元甫朝宰甫郎盛年壯氣時上見車在馬前厥孫廷詢廷寅輩方從外傳受詩業進士舉駿上然於霄蠹雲之將不日羽儀于朝俾太和在

皇明宇宙間也然則翁何所事上哉振杖屨於崑南洞天之旁將安期羨門之日與遊而年遂與之上下八十之壽蓋其履端已余頃薄吳會燕齊之郊而稅駕於廣陵會余姪宗正以縣事來



謂部使者數嘗與歎求仁者之難。今日始得樂觀  
翁之休也。矢言不多。遂載以爲翁壽。

崑

萬曆辛丑九月上浣之吉

廣陵隱吏眷侍生賈天民拜撰



○贈隱君安三十八上壽瑞人叙

昔箕疇之福惟壽爲先頌祝孝孫三壽罔陵從古以然而況於  
輓近乎哉故踰耄而漸于期頤得稱瑞人以其世不數也締  
觀邑乘吾邑以百歲表其間者合先今得二人其先爲徐其今  
爲吾宗以數千年分邑而所邁若是斯以難矣乃今又得之懷  
德鄉丹陽吳瑞人焉以其難邁而余亟欲得其食息起居庶幾  
攝生之左券聞其齒牙益固步履康莊耳目聰明無損一身之  
戶牖且暮甘旨飲以醇醪熙熙如也吾宗百歲翁之初際是年  
殆相髣髴瑞人外貌魁峩意慮深湛聚族而居恬然玄漠迥不  
涉於流俗之趨嗜強盛本業一聽之太公及當領受而二子冢  
孫又任其綱維夫且逍遙無爲于其間也喪耦越三十年屏



居狷人蕭然白

在傍居之麓飾樓五楹獨往獨來朝暮觀

雲霞之變化四時聽林鳥之參差會心適意賞以杯酒其進止  
坐起皆有常處家人竊視之不失尺寸其始終之性如此昔稽  
叔夜之論養生以爲上藥養性夫性欲靜而或以奔競羶濃滑  
之性欲澹而或以玄黃垢膩滓之還示瑞人不似促鱗之遊汀  
渚短羽之棲翳蒼乎何怪乎札癘之紛也叔夜又謂神仙難  
必而長生不老或千歲數百歲可以理致惟寂惟滅守德之宅  
爰清爰靜遊神之庭端人合於茲道已今

聖天子登極大婚覃恩海内存問三老而瑞人適際其盛嗣徐趙  
而三表門拭目湏之若一門之濟七吉祥天保定爾俾爾戩穀  
罄宜不其然歟不其然歟



崑

天啟元年孟春上浣之吉

承德郎河南歸德府別駕


眷侍生趙賢左頓首拜撰

生際五朝全盛世

人逢百歲太平年

眷侍教生斯一緒拜贈







○贈耆善君安七十九翁八十壽叙

國制優禮耆善原爰重林壑由始杖以踰耄期里社之壽哽噎  
之祝且分寵縣官表著鄉閭豈徒奉其適已引年已哉群居原  
相誘尊觸類易于觀感薰其善而善之領袖鄉人良有司寄以  
化俗之權云爾也吾邑耆善吳君諱朝貢字惟時別號禹山顏  
龐而心古鄉之篤行人也謙和退遜酬應必孚其衷始終不買  
其軌人之親而睨之若春膏之布秋月之輝焉故族多好罔而  
善君獨能以恬制囂以靜消躁不屑上是非短長也生平與  
物無忤郡居話古今名物內外綱常油然竟日而得失齒及於  
人匿影以避其心若不忍聞人之過失者也且顓精職業守其  
良士之瞿心藁盈谷原隰恢畝則素侯之封享矣能儲能散



歲之不淑慨然與人通其緩急而鄉隣得賑貨焉自奉粗惡而  
精苾芬以待佳客不壓頻繁至若重鼎公祠蠲所有助之而無  
難色大節類此郭邑侯以素行惇篤顏其堂者固宜抑義方凜  
毅其二子是以不移俗爲燕詒也今壽已漸耄而聰明不衰精  
神矍鑠似有叅乎修真之術然豈知耆善君固惇仁壽常已哉  
夫台耆之頌歌詠流傳亦未聞熊伸烏頸駭人耳目之外而以  
爲岡陵也若耆善君敦厚睦族足以軌範一鄉寧惟賓筵雅望  
取重月旦已也是則是傲使知致壽之有道也由是膺肉帛之  
賜里社之爵

聖皇壽老開海內炎羲之域試際其盛猗歟休哉余與斯惟武於耆  
善君爲至姻屢端其誕辰之月因而徵言書之以佐侑觴吉




萬曆歲乙未春王之吉

賜進士第北京文部主事東白山人

眷生盧洪春拜撰







○贈養盛吳隱君偕配徐氏安人七十雙壽叙

三房安八十

禮重養老而累代遵爲令甲以申廣其制豈徒崇奉其引年已哉閱歷深則淑慝莫掩耳目習則觀感易動然則古稀杓於鄉人而日計歲計彼其瞿然而顧化者豈少哉吾家北源兄故善崑雨之吳養盛隱君隱君生而骨貌骯髒踈然塵埃之表爲人剛直負氣不能委蛇于俗當其壯強時頗爲任俠遊睚眦必報然一稟于大義非公正不發憤族里多嚴憚其人晚則制剛爲和穆乎狎鷗之翁矣生平嚮慕儒術穀其中子廷寬竟以茂異補章縫每雅客至擁篲清塵而出其苾芬崑南之小桃源時有白駒之繫維焉若與人交然諾必踐立意皎然前是鄭孝廉泰衡之爲諸生以孤客羈吾邑隱君才之則授室以安其居及貴



竟不窮以一事煩其閑說也他節槩大都類是隱君今年七十  
乎嬰鑠無減少壯雖鬚眉皓白而聰明精爽一身之戶牖孔固  
昔顏真卿以剛方得仙養生之道豈盡拘於守雌哉夫率性而  
不鑿其混沌之竅漢陰丈人之所以忘機也由是而耄耄期願  
臻厥上壽寧有旣乎厥配徐安人婉孌允塞黽勉畜肯隱君藉  
以母虞於乏而後先之彰義舉皆其力也迄今偕老康壯良飲  
食坐享萊庭之斑斕抑又難矣獻歲春仲爲隱君初度誕辰敬  
摘詞淮署中以復兄命

隱君諱朝賢男廷瞻廷寬廷衡孫有親有君有愛

萬曆乙卯陽月朔日之吉

賜進士第文林郎知直隸山陽縣事

眷生盧洪珪拜撰



萬曆壬○贈少峯吳翁陳安人七袞叙

三房安九十四

余嘗作桃花源老人行以爲崑南吳孝子少峯翁壽時文甫成出以示庠中諸生諸生中有陳時芳者與少峯翁安人姑姪也慨然曰少峯翁之孝而壽固人所稱難所尤難者女士間曾無見聞而行事動中繩尺克相夫子終始一德如芳姑者耶縫掖士所不逮今年七十與少峯翁齊眉豈宜無一言以識不朽遂綴次其行畧屬余爲安人叙安人適吳門舉冢子廷寅後不再舉翁姑竊以丁寡爲虞安人熟揣其意遂令娶楊氏爲側室安人遇之如女兄弟然楊氏生一子廷宸安人字之視廷寅倍加懇惻每爲製衣推哺必先廷宸而後及廷寅亦竟忘所自出里閭嗟頌爲美談嘖嘖不絕口相少峯翁修孝行躬致殮膳晨夕密加溫省不憚姑氏先逝



少峯翁守孝幙三載每食必具饌如生時間奉命他往安人代爲  
守幙祭奠倍加齊遯未幾一峯翁亦捐館少峯翁廬於墓所凡湯  
裘葛墓去家二十里許二子俱孱弱不習事安人爲之料理井匕  
有條少峯翁恬然野處而竟得以墓事終者皆安人內相力也課  
廷寅習舉子業有時奢以數竒不售然精通百家喜工詩句往往  
交贊長者每爲所許可孰非安人義方之訓所致哉且安人婉諧  
如娉終身無間言馭臧獲下人恩威備至即猝遽中不覩有悍言  
厲色詩云乘心塞淵終溫且惠安人有矣中年患痰症四肢痿痺  
幾不起遇良醫以刀圭愈迨今七十強健不減少壯時則其引年  
固未可量也識者咸以爲婦德獲報亶其然乎

萬曆壬子仲春之吉

會稽陶奭齡贈



○桃花源老人行爲吳翁壽有序

三房安九十四

吳寧縣西十里許有塢多桃花時爛然如行石齊奴錦步障傍  
山人烟百餘吳翁孝子家在焉余從張令頌春其間翁隴眉皓  
首扶杖迎前衣製古埜意度風雅家有園亭可詠因留飲宿詢  
其傍近道翁昔事親者甚詳郡邑已列其行旌其宅里然非翁  
意今年已七十孺慕未衰夫孝生上之原故孝者必壽婺多孝  
子顏各其邑斯各其鄉翁不以孝自名故余爲作桃花源老人  
行使其子孫歌以上酒

老翁桃花源裏人筠冠薛帶猶先秦不知今日是何代但記  
花開即一春上去春來知幾度自古到今無問津走也滄浪  
老漁父山行偶逐飛鳧塵清溪黃綠百千曲忽敞原陸桑麻



新老翁亦相訝相勞甚苦俗物冠我巾殺鷄爲黍止之宿見  
其二子何逡巡造庭竹柏淡且雅深杯笑語清而真人言老  
翁善爲子希講奉養娛晨昏少儀內則不挂口箋以肺腑書  
諸身莪篇已廢棘心苦藉苦拔栢啣酸辛翁聞此語重啣匕  
纏作兒啼又垂白買名人間非所求抱膝巖阿載營魄願移  
怒石柱來轅願借飛柯掃塵跡千遍花開只是紅不教隨水  
惹閑儂人間遮莫新朝市物外長含太古風

兩崑山長會稽陶奩齡拜贈



和十六耆善七十偕配雙壽叙

三房諱廷美

夫壽際七十徵之咏歌以爲今昔之所希有矣若然者祇羨其難老引年冠於箕疇之福無暇論其閔俗有無也而况于力任公家慷慨綱紀領袖茲族者乎懷德鄉之吳氏有仰山耆善君者爲人貌侵而沉敏有心計前是家遭百六之厄及其身而衰耗不瞻匪伊朝夕矣居嘗扼腕決起以爲古人無立錫之地多臻大業衰瞻果分定乎哉旣已有室分職內外晝夜力作不厭辛苦久之織積漸起更貨於所知以子母錢息於里之人煙湊處耆善君各能巧持籌乎亦有天幸鬪智上勝筭時上會迫於壯強羸得過當菓木盈谷粟菽盈囷貴之徵賤上之徵貴則東西歛焉歸畝矣旣成積善聞義能赴而生平善策多寡任事公



廉族之則任以公家之儲胥欣然聽命自其當事以來而出納  
允當爲能不避勞怨凜如也毅如也公家賴之公祠之故址增  
闢厥費不訾皆善君又任爲祠長 畫勞費較衆爲最祠成之  
又數年而善善君年已七十聞其夔鑠常若少壯也配安人馬  
氏拮据茹荼昔育恐育鞠調瘠爲庾偕老康壯易云有孚盈缶  
終吉者善君之奮式微以光先業神之所右於將享也公家大  
小悉能揅其儲胥闕宮有洫時薦馨香受福先公俾爾戩穀罄  
宜孔固厥身聿臻上壽寧有旣乎今歲之孟秋實惟華誕之辰  
因乞言而爲之叙子三人俱遵義方

萬曆歲在己未孟秋之吉

中 憲 大 夫

春生王嘉亮拜贈



○和北五耆善七十壽叙

三房講廷宣

昔詩頌眉壽而必先述其成功政以見福之不虛綏也今間開之士潛德矜行聿臻壽考語曰君子表微詎得不括其生平而徒致觴祝已哉耆善父世二府君故以廬墓孝行徹於上聞耆善內行醇篤綽有父風生而骨頹清癯神情通爽而廉仁慈恕壹意與物無競伯兄二人而以能體父意服勞至老父一日無耆善若失左右手父卒之先一日以疾度不起四顧左右獨耆善侍側則強起脫腰囊畀之曰此公家剩餘及紀籍也翼辰族老幼哭臨其尸禮畢耆善則輟哭出所畀囊以呈衆按紀籍檢剩餘分毫不爽而臨危囑付初無一人知者及是得耆善表自其家族衆無不人匕嗟嘆之曰有是父且有是子也他絮已



無欺重多類此其交族里能不侵爲然諾醜資以助公祠厥助  
惟腆恩視佃人時以情通於法耶父或執於取盈從容愆患必  
得少寬之乃已凶歲買僕撫之有年繼堪作力一日其父告贖  
誓其情真縱之歸而免其贖日俾爾父子完聚耶遇隣惡稱是  
或盜木與池水私溉事露莫能掩也其人頓首請罪刑罰但勿  
聞於鄉隣俱憐而置之併秘其事儼然古長者之心焉今年踰  
七十而三子肅奉義方修爾職業諸孫已及有室步履不杖安  
享養頤世稱吉祥善事如日之升豈非爲善者之報歟詩云酌  
以大斗以祈黃耆又曰壽考維祺以介景福耆善其尚健飭自

變

峇



泰昌庚申冬日


承德郎河南府別駕趙賢左拜首撰

○贊

融和如春肖貌以心能嬰兒乎白不改行乎鬢間里古稀恂  
恂厚德載物含忍勝人鷗狎海叟機忘漢陰自求多福孔固  
爾身

邑孝廉李能蕙 贊







○和八十二處士耆壽叙

三房諱廷謙

間閭之士砥礪名節雖不能自效于境外然取予廉慙之掾家庭醇謹之守皆善俗之大物也受峯吳處士貌古而行方氣和而心恕親賢樂善有儒者之雅度焉髮鬢而素而馴善篤性不爲利回昆季四人而身居其次初父諸父爲三已而中天無後於禮當繼<sub>上</sub>則次繼<sub>次</sub>他不能奪也家老之公議已定而處士則力辭於大父以爲叔氏生前未有茲命乘其亡而援法以掩其詭圖孫不肖分自守不願爲此以招俗忌且大父之饒貲何患不隆其祀田以垂永遠乎竟不就繼族里多嗷咲駭其捐數千金而弗取也於是伯兄爲邑諸生處士則代爲家督綱紀巨細脩葺艱苦疆理歲增毫不私其封殖季弟尉績溪爲其家任



事婚娶大都如此衆初推爲里中祭酒公平服人奸慝潛跡凡  
所居間立解而其不屑爲乾沒如其在家也事父母及繼母孝  
聞繼母時有疾周旋刀割衣不解帶煎浣必躬雖繼母勞苦之  
終不敢自逸一日疾甚非義烏龔光洲藥不效而會暑雨霖瀝  
下崑溪橋壞水溢行人蹠 愕立岸垂獨處士冒危濤以浮衝

擊數四幾踣而濟明日龔至母疾果痊人以爲孝感所致云娶

杜氏和敬如賓二子明經力業咸肅於義方處士花甲欲週而  
六孫孰塾已慚然露其頭角矣長君學就而慧指日奮髦爲國  
瑞噐詩云樂只君子福履綏之處士從茲登壽籍積德引年扶  
杖逍遙臻厥上壽餽漿哽祝寵膺郡邑月旦之欽崇倚歎休哉  
余預爲梓里祝庚桑子矣歲之青陽實惟降誕之辰因舍姪懋



炫請爲之叙


崑

天啟辛酉孟夏之吉

賜進士第承德郎禮部主事

眷生盧洪珪頓首拜撰







○慶世德吳隱君七袞壽序

理一百五

嘗讀高士傳曰亦有哲人獨抗高志凡秉潛德者厭紛華故獲  
享純祐而逍遙於安樂洞天何也塵擾脫則天機自暢與世無  
營者以此居身元吉者亦以此伯魚諱如鯖者今之隱君子也  
世德其別號爲順六十二公季家素封君席而有之識力不定  
者匪驕則侈君知保世滋大惟謙終吉一舉一動悉當父心其  
與人交智囊機事盡爲屏絕忠信可以化頑和易足以息爭偶  
遇輕薄後生輒深避之惟善是從口不掛雌簧而長厚足稱父  
事兄事一視其年三尺之童亦加敬重歲凶菜色載道隱君罄  
儲以周之存活無筭語曰活人者必得全福彼蒼豈爽其報君  
配李氏淑德爲閨中領袖生三子咸有成立女二長配胡溪次



在城李俱爲名門佳婦善事舅姑公年未倦勤一切家事長男  
是屬惟注意詩書看蘭堦濟上隔簾燈影聽有呬唔聲則隱上  
自慶謂青雲事業崢嶸有人樂只君子保艾爾後未可量也今  
壽躋七秩矣三月十二之吉爲君懸弧芳辰古稱七十杖於國  
真一時之盛事其姻婭中外群從輩咸以金籠放鴿相祝而余  
得附於酌者之末謹以公之生平爲之詞曰壽非仁莫結其人  
必得山水之趣故丹霞之洞碧蓮之池方平麻姑之倫每托足  
焉君居近桃源洞天澗溪清流差可彷彿以賢而隱比香於九  
畹之蘭競秀於泰山之桂益厚其躬而期而願俾世奉爲羽儀  
君之壽其有疆乎請載筆以埃之



康熙三十七年歲在戊寅十二月哉生明

邑庠生通家眷侄蔣璧頓首拜撰

○德敷篇

德敷篇小引

詩曰人之秉彝好慤若德之所敷者可輕忽乎哉  
或有播譽當時或有垂芳後世非庸人所企及也  
吳氏忠孝節義後先聲著代不乏人茲掄其尤著  
一二績於斯篇俾後之觀祖先厥德者庶知所感  
發黽勉於繼善云爾







○泰伯傳

按吳越春秋傳古公三子古公周太王之本號後乃周尊爲太  
王名亶父長曰泰伯次曰仲雍一名虞仲少曰季歷季歷娶大  
任氏生子昌古公知昌聖欲傳國以及昌曰興王業者其在昌  
乎泰伯仲雍望風知指古公病二人托名採藥於衡山遂之荆  
蠻荆者楚舊號以州言曰荆蠻者南夷之名正義曰泰伯奔吳  
所居城在蘇州北常州無錫縣梅里村其城及家見存而云二  
荆蠻者楚滅越其地屬楚秦滅楚其地屬秦故通號吳越之地  
爲荆及杜人書云蠻勢使然也斷髮文身因其俗爲是夷狄之  
服示不可用古公卒泰伯仲雍歸赴喪畢還荆蠻國民君事之  
自號爲勾吳七言勾者夷之發聲尤言於越耳吳各始於泰伯



以前未有吳號泰伯讓國人得見其跡其讓天下人莫知其心  
所以聖人表而出之蓋其處父子兄弟之變而欲合其天性之  
思處商周興亡之際而欲合君臣之義其事類夷齊而又泯其  
迹也

翰林院大學士王守盤撰

平泰伯仲康寧風收許古公無二人并各料藥外游山發文  
升刃坐于昌古公收昌聖於神國以父昌曰興王業者其并昌  
王谷夏父其曰泰伯水曰仲康一谷實仲少曰季理季理發大  
對吳越春厥樹古公三于古公周太王本讓外以風尊為太



○贈吳君時剛詩序 三房恭八

高城距邑南十里許嵐氣紆青於碧落水光瑩白于青田雲霞  
繡錯草木敷榮地僻巖迴依希李愿之歸盤谷鷗黃鷺白彷彿  
王維之輞川圖誠勝境也著姓吳氏居焉吳乃季札之後衣冠  
奕葉簪纓聯聯表上在人耳目若時剛者吳氏之最良者也讀  
書循理樂善不倦功名不足以累其心出園自足以樂其志惟  
日訓子姪以詩書課僮僕以耕穫暇則或對山把酒臨溪觀魚  
徜徉游息無適而不自得者矣矧夫禾黍桑麻之富可矣供養  
生山川林麓之音可以寄清賞目遇之而成色耳得之而成聲  
景物之娛不求於人自足於已可謂有德之高隱也已吾邑孫  
梅南先生有子克安爲公家西賓覽境之勝知公之善日用之



常隨所居之位而得其樂也徧求名公鉅儒之詩詞而歌詠之  
勝也善也樂也發揚無遺以酬時剛過愛之情復徵予文為引  
予老朽林泉久踈筆硯梅南公予幼年同窓友也義不可辭遂  
述其言得於所聞者潤色之以冠群玉之首幸毋以我為僭云

嘗

正德戊辰中秋前七月

賜進士及第光祿大夫柱國東閣大學士兼吏部尚書太子

致仕餘姚謝遷于喬書於家之逸老軒

蘇散草木煙榮出新齋臥亦李恩之艱盤谷繼黃龍白松  
高城朝邑雨十里宿嵐餘孫書外傑蒸水光瑩白千齊田雲

○觀吳春社圖詩



○壽傑公敬百三十三行狀

公諱壽傑行敬百三十三即余之宗太祖也考公之發祥于白  
岩已歷三代矣恐後裔之難考其由故爲之傳余祖嘗謂余曰  
族有壽傑公者自幼失怙尚無昆季弟身自立生而忠誠朴懋  
動履有常言不妄發事不妄爲禮儀中度正直無私閭里中莫  
不推重焉事庭闈定省勿懈值喪祭必盡其誠治家以勤儉自  
勵處世以謙和待人訓子義方禮接親朋配下楊徐氏四德全  
脩姆義夙著諧老齊眉旣和且敬生二男長曰朝福次朝祿咸  
克紹箕裘德行昭彰至今猶稱道不已也傑公生於萬曆甲寅  
十月十六日亥時卒於康熙戊辰五月廿九日巳時塋四十二  
都白岩塢對磔今族中重修家譜已經告成余追想祖言叙其







○吳孝子贈言

三房行安廿二

余謝事賦歸來抵里門間與諸父老媼戚譚里中今昔事叔氏南橋翔岐友人蔣君位吾綏頰謂余君離桑梓爲日久矣里有隱君以孝行聲聞當道相隨屬下檄旌褒里人以爲華其知之乎余悚然曰里有若人可以風矣不佞無似願聞其詳於是二叔氏暨蔣君纒七道隱君姓吳氏諱朝和性醇慤朴茂與人交不侵謹然諾雅好儒命諸孫有學輩業儒凡以儒相過從者輒例屣迎款無難色叔子以疾逝撫其遺孤不殊已子率先族屬經理宗祀不避勞怨廢墜悉舉鄉族有紛爭者以情理曉譬之人七輪服事父母敬養脩至居喪哀毀骨立種七如禮萬曆癸巳合厝父母於朱山之陽時隱君春秋七十餘矣念父母窀穸



寂寥依匕不忍捨誅茅結廬墓側以朝夕寢處躬親炊爨奠于  
墓次而後飲食以爲常其家去墓三里許歷三年足跡無內顧  
隱君所居之廬晝無曦夜無皎塚上間有神燈之異非純孝何  
以有此余聞之嘖匕嘆曰有是哉隱君之孝也隱君年七十餘  
高矣伉儷齊眉居諸逝水寧無愛日之懷丘隴凄清庭帟在望  
娛樂殊悰此皆人情所甚難而隱君惟父母之寂寥爲念不知  
老之將至安知有他詩云孝子不匱永錫爾類隱君之孝思永  
矣由里而鄉而四方聞風而興起隱君之錫類弘矣不佞碌匕  
塵塗先隴久踈聞隱君之行愧汗淫匕下遂不辭蕪陋綴次其  
畧以志盛美且脩觀風者之芻采云



萬曆庚子仲冬

山東兗州府沂州知州

眷侍生賈宗正拜撰

邑侯郭公獎語

溫醇天授仁孝性成色養婉順於童年廬墓恪勤於暮景族右  
僉服間左頌推重且誼猶子之撫成更租捐群先之倡祀屢旌  
厥孝允勵頽風

郡侯周公獎語

稚齡雅能菽水皓首尤切松楸捐義租孝徵崇祀撫猶子行著  
敦倫允宜特表者也

督撫軍門尹公獎語







○贈處士少峯吳公純孝膺獎序

三房安九十四

大司徒以鄉三物教萬民而賓興之六行獨首孝友敦民俗也  
然薦紳士以孝稱易而朴茂氓庶以孝稱難矯情飾貌以吊奢  
里巷易而任天率真存慕哀沒不少遷徙者尤難之難也若吳  
處士者庶幾近之處士與泰字賈君爲世姻余因泰字公稔知  
其隱德每加忻賞今秋余奉檄巡撫豫章將戒道而處士旌孝  
之典適下泰字公綴次處士之行畧屬余爲處士叙處士名朝  
宰字惟德姓吳氏自延陵徙吳寧占籍高城里十五世孫允錕  
生榜上生處士處士居幼性醇謹無鉛華與物無競處兄弟子  
姓怡如也其孝友一德尤其天植者事二人專務承懽居常侍  
食親側不私御內母葛氏病躬資藥糜憂悒成疾未幾見背宵



且寢處苦次更三霜每食奠上必繼以哀號或以父命他往其妻陳氏代攝之而祭奠竦敬一如處士不逾年而廼老亦染疾徧求各醫於百里外日往返不厭病劇僉曰翁萬無起意矣索醫何爲處士泣曰寧吾父鋪藥而逝忍坐逝其斃也迨歸而考已逝矣乃拊親大慟昏而甦者再既殯仍寢食於柩側匝一歲始扶輻窀穸于邑南之湖頭遂結廬棲焉墓所僻處村落盜賊出沒其間相顧曰此孝子廬也吾儕毋驚愕孝子自是相戒不遇墓者三年鄉人士高其誼携榼相慰藉者屢交墓下縣大夫郭以事上督學使者使者移文飛獎給賜粟帛扁其門示優遇也我吳寧以廬孝聞者照耀後先吾獨多一處士處士以孝倡其內子協德承志前喪母而鷄骨支床後居廬而松楸變色前



後歷六禩而中外無間言今人離帷席跬步每刺匕丁寧不置  
處士孑身野處於數十里外家政悉委于孱婦弱子無少芥蒂  
焉且處士體羸瘠非素耐艱瘁者當爐主殮不一挈力供役使  
尤人所難至於緣林聞之相戒不入境此豈偶然哉余出撫江  
右所在有幽賢逸士例得露布奏聞里中有孝子如吳處士忍  
令其湮滅不彰哉故按其行狀而叙之以風天下之爲人之者


皆

萬曆歲次丙午孟冬上浣之吉

欽差巡撫江西都察院右副都御史前兵吏二科都給事

眷侍生許弘綱頓首拜撰







○題少峯吳翁孝行廬墓圖叙

三房安九十四

吾邑自漢斯孝子而下凡得六孝子焉夫自漢迄今數千年間  
如科名宦業史不勝書至孝子而寥々若是則天性難也乃今  
觀于吳孝子廬墓格俗事即合而七之亦奚忝者孝子生有至  
性自髫髻時侍其尊人一峯先生從里師談六孝子締聽指問  
津々艷慕里師異之比長業舉子有聲然依々孺慕不少改念  
已而喟然曰與吾背親干祿何如菽水庭闈乎遂棄去鉛槧灌  
園樹蔬侍其尊人於杖屨間甚適也母葛安人嘗屬疾孝子扶  
携醫禱脩殫勞苦迨卒哀毀逾禮水漿三日不入口屏聲色却  
滋味三年服闋猶不忍除喪比合塋躬負土爲墓鄉人荷插而  
助者悉爲謝遣因廬於墓上左里人多孤鼠輩自孝子居其間



諸不馴者稍匕易行不則漸匕遷去孝子之感化人也如是耶  
紫芝馴雉之瑞寧是過乎予拉諸第而過其廬見其慘怛被褐  
不異初喪在墓又四年餘令子及婦恐其感濕成疾也迎以歸  
不許繼以號泣又不許邀宗黨子姓環跪以請卒不許諸生上  
其事當事者以未識面頗難之嗟匕天下有終身孝行若是者  
哉天理人心豈容終泯會有請於朝者旌書且旦暮下矣家弟  
思智甫感其事繪爲圖而思容甫唱爲咏群從昆弟從而和者  
若干輩蓋歌行絕律長短古今諸體備于以少致其贊歎艷慕  
之情云爾夫科名宦業由人力取世之所榮而孝行從天性植  
人之所苦孝子醜其所榮而甘其所苦千載而下躋六孝子而  
並稱焉耶累百各宦何敢望哉雖然孝子不獨以身孝而使群



從昆弟並慕其誼而有興焉詩曰孝子不匱永錫爾類吳孝子  
之謂耶孝子諱朝宰號少峯操行動準古人語列別傳孝其一  
節云

萬曆丁未仲夏上浣

賜進士第禮部祠祭清吏司主事承德郎

眷侍生盧洪春贈

詩

白鹿許攷里赤烏斯孝鄉故園百千載芝兔復誰祥  
變悠七窀穸長荒廬依墓左吊古轉堪傷

南宇盧洪夏

塚留人不留淚枯松亦枯啼罷野狐曙生塵遙助哀號有巢鳥



政堪白鹿峯叅差指顧千秋話許孜

盧洪遠

傳來馮氏塚生芝鷄骨空山強自支一日人歸窀穸後百年淚  
盡栢松時却無埜鹿來傷樹曾有林鳥爲負泥興孝總知緣故  
里延陵高義孝新移

西華盧洪秋

長夜鳥棲陌隴頭幾年人影卧荒丘繁華有恨春心冷琴瑟無  
聲萬感秋漠上雲飛瞻岵岵蕭上風起聽松楸蓼莪遺詠芳名  
在千古知君汗簡留

北源盧洪冬

結茅在空山之子良獨苦哀上窮疚身把跡隣豺虎蕭條撫松



楸悽愴履霜雨風前時一號墓上無乾土鶴淚應猿啼傳聲遞  
相忤末俗好生分誰當念陟岵纍上多新阡苦廬絕無伍遐哉  
永慕仁淳風挽千古白鹿青高峯稅駕從二許

春門廬洪董

白雲自悠上空山常寥上嗟爾遙斑衣含淚依松柏

楚白廬洪珪

千峯黯淡白雲浮陌隴苦廬幾度秋月落風迴人影寂悲思無

限聽松楸

長文廬洪瀾

千山黯上付招魂幾度韶威慘淚痕華表蕭上群駐鶴荒廬寂  
上雜啼猿代違人世形容邈月落林丘霜露繁何處瞻依追罔



極空餘毀瘠任乾坤

盧洪照

誅茅結構獨幽尋  
一卧荒丘歲月深  
去住狄雲常在眼  
憂菟萊彩頰  
關心秋霜春雨添  
流淚鳴鶴啼猿伴  
寂陰人世蓼莪都廢  
却多君子載振空林

盧洪遷

寂化空山伴野丘  
幾年憔悴不勝愁  
兔芝曾復爲祥否  
應有芳名汗簡留

百昌盧洪芳

相看無一語  
憔悴黯千峯  
涕泪幾攀樹  
色枯陵上松  
兔猿齊曙  
夜霜雪度嚴冬  
不爲芝能紫  
九原但欲從



政之盧懋恒

長夜冥七不曉深山寂七猶依摧殘斑彩遺篋想像音容在闌  
寄我歲時孺慕從他在苒煙霏白雲隨處歸盼懷二人今靡遑

元仲盧懋燁

一盃淚並濕數載體仍枯苦畔遷榮悴山中慘叫呼寒食狐來  
否荒原鶴嘆無空將風木恨坐卧日躊躇

盧懋義

舊傳許攸里今復見吳君風木留餘憾千山鎖白雲

君求盧懋學

荒塚蕭七土一坯號天雙淚滴松楸依稀白鹿峯前月夜七空

山照獨愁







○南谷吳隱君行畧

三房安世六

吾邑之高城系出吳延陵季子厥後蕃衍幾遍東南元時有裔  
孫鼎者由仙居大田徙居茲土遂家焉隱君諱朝順字惟太號  
南谷老竹山翁妣馬氏安人生丈夫子三伯對山季月巖隱君  
其仲也俱潛德弗耀有鹿門風而隱君尤以修潔謹誠聞於閭  
里迺至性孺慕友愛肫匕居常承顏順志靡所不至時家擅素  
封兩尊人性嚴指顧少當意又季以蚤年見背不勝門戶之戚  
隱君悉其肯奉伯爲家督而以已代季理置塾延師以一經課  
其藐孤而更完其婚姻校其出入甚至輕數千里挈遺貲返之  
匣中而秋毫無染焉其世業益隆匕起兩尊人僉爲季且不亡  
也嗣後兩尊人春秋日高桑榆日迫雙白舊堂幾躋上壽而隱



君偕伯以斑白侍養宵旦靡寧真有古愛日風者且一屬續哀  
慟幾絕迨卜葬珠山相與攀栢號松依土不肯舍迺伯與隱君  
謀曰等子耳墓有我在側二親安家有若在則我安也我正以  
安二親也隱君不得已留伯結茅墓側而身任紀綱之僕且三  
年內日親至其所以供祭酒飢粥之奉其成伯之美以妥先靈  
又如此者他若佐糜粥以賑飢民育義女以歸良配居近負郭  
不入城市財足自雄不逐錐刀大都皆人所難者蓋其孝友所  
釀天性然也隱君生於嘉靖己丑年八月十四日午時卒於萬  
曆丁未年二月十七日辰時享年七十九歲初娶安恬馬氏生  
於嘉靖癸巳年七月初九日午時卒於萬曆丁卯年五月十九  
日戌時生子廷仁娶安文陳氏繼娶芙蓉塘金氏生於嘉靖丁



酉十月十一日午時卒於萬曆壬辰年八月十九日未時生女  
廷俊適安文陳觀龍之男陳所尊繼又娶陸氏生于嘉靖辛酉  
年十一月初一日戌時生子廷傑娶花墻頭陳氏孫男六人有  
威有儀有則廷仁出有昌有鼎有鶴廷傑出玄孫三人如竹如  
松有威出如曉有則出二甥陳花民陳花國廷仁先隱君卒廷  
傑於萬曆丁亥年十一月十一日扶隱君偕二母併兄樞合葬  
三十八都腆山崗之原卜兆既吉安曆于茲子七孫七勿替引  
之矣因重姻姪陳所尊之請漫之狀如左


肯

天啟元年歲在辛酉春三月既望

河南歸德府別駕

姻生趙賢左頓首拜撰







高城隱君安三十一吳翁行狀

翁諱朝珩字惟榮別號西溪自少敦朴任真力本興行一切繁  
囂纖巧之習不着于心胸謂人生大塊匪親無身匪勤儉無生  
匪鄉族無徒匪孝友而忠公無行惟是篤瞻依嗣股肱慎耗用  
務恢成業以紹箕裘痛先人蚤世撫其弟朝斯夕斯友于日加  
篤逮長成擇配以諧伉儷而華萼之樓掩暎今古曰此誰非親  
之肢體其偷之也無何弟棄人間世進二孤顧宇撫摩不啻已  
子更爲延師傅聯婚姻舉先業悉以均之曰此誰非弟之後身  
其斬之也與宗黨謙而無亢和而有息紛競之來有衆所難平  
者一經翁處遂以不爭方是時下功令行保甲於隣慎其人以  
翁爲長事無纖鉅必進而庭訊之一經翁籌遂以爲不眩肖源



黃公之剖竹也值歲稔盜滋劇翁念枵腹之民已不堪命萑苻可復警耶旋熾而滅之嘯聚解散遂以不譁而且出粟賑飢民倡富室以義而且奉文禁溺女全父子以恩于是道無饑女有生孝反聲揚忠公奢播邑大夫難其人給扁額堂侈之以冠服鄉邦榮焉及其以壽終遐邇聞訃靡不潛然其素所沁入也夫人心不同有如其面言契合之難然人患不真耳真則蠻貊可通異類可格况視聽同持行一而近在庭闈族黨間者耶翁篤于藝常耽於道義上信下服生榮死哀其與貌襲聲收佞行而佞得者不可同年而語明矣有子四人廷獻廷策廷章廷序一女適東門陳元會內外孫玄翽七濟七將來食報政未可量而元會婿李生元閭於予爲表姪因其請也遂狀其梗槩以俟觀




風者採焉

昔

天啟辛酉春月之吉

邑人少薇許弘綱狀







○明隱君仰峯行狀

三房安七十一

余偕公樓氏館甥誼聯姻姪少從舅氏北山學同處其門者日  
益密後從宦遊至湖湘不歸者三寒暑歸即公已逝矣因過訪  
之見其家披素哀戚若不勝余悲之相對泣下其冢噐延詢請  
曰余家君梗槩丈所夙知願丐一辭以垂不朽余不能辭遂模  
其素行爲之狀曰公諱朝元字惟輔號仰峯出宋碧公十七世  
孫也世爲望族至公橋梓益昌厥考一峯翁事之克盡子道待  
二弟友愛翁如家饒裕未常自傲性剛直不少屈于人匕有干  
以非意者輒挺身御之不趨勢不務名忠信朴茂尤表匕迥出  
時流至於處衆謙和持躬勤儉閭里大稱難者訓子習舉子業  
獨延師於家朝夕督責卒就黌序父拓基建宇公率先不遺余



家舊有祠公代父綜理因族人狹小制度議改之公遂毅然首  
倡率已派家下弟子鼎新前廡一間惜乎勤於用工竟以手疾  
捐館是天不慙遺善人也室人樓氏和易幽閑孝敬慈順是以  
母儀一家因蚤疾棄世繼陳氏克端婦道家家庭肅然賢內助也  
伯子廷詢郡庠生博學力行仲子廷謙叔子廷誠俱善繼述季  
子廷諤任績溪四尹孫男有聲有光有章有萃有佐有珏皆英  
比邁俗余以為公世德之盛云是為狀

萬曆歲在庚申菊月

華溪眷弟盧邦亮頓首拜撰



○和十五耆善叙

佶堯之時混吾之美在下詩云不識不知順帝之則此之謂也  
天經怪輓近之鬣癘天瘵漸盛當時之壽脉以爲世運固然七豈  
知其譎詐代繁日鑿穿其混沌之竅者乎懷德鄉吳氏世居其  
桃源之谷厥族依稀存古遺風而鎮南耆善其人者敦朴而率  
真日出而作日入而息仰供租賦俯糊粥饘三春翫百菓之華  
秋夏收百菓之實不知老之將至云爾遊于族里人守其雄已  
守其雌人守其白已守其黑有讓畔讓路之風焉惡聲不及於  
傭僕倨色不加於稚窶雖生平忍嗜作力守良士之瞿也  
以廣世業宏厥孫謀而篤於故舊宗其原本坎匕之飲時侑晏飲于  
堂宗祠改建慨然蠲貲爲倡始焉他若權衡子母息千里中出



入平等亦能憐察窶困時有寬假其慈仁如此是以由羈貫以  
迨白首優遊一壑未嘗少忤於人匕之親之若春風之披拂而  
秋月之隱映也古稱狎鷗之海翁抱甕之大人耆善之儔與是  
以行年七十而逍遙一壑饒自適也夫精不搖於物則神日旺  
世不滑其和則形日完曩者所云佶堯之域其庶幾乎配盧安  
人慈和內助藹然一體萊庭之爛斑其將復見于茲鄉矣初度  
懸弧之辰實惟孟秋月乃授詞於某以侑一觴

天啟辛酉季春之吉

眷侍教生弟斯一緒頓首拜撰



○桃源主人行

三房和六十八

桃源主人若虛甫廷詢號華峯者嘗自叙曰昔武陵源桃花數  
里至今侈爲隱君子美談余於茲亦云七余家距兩崑十里許  
四面環山岩石峭壁林木鬱蔥左臨雲洞後聳青峯四時禽鳥  
交喙如絃管然居人好種桃幾千樹歲遇東皇發物桃萼爭葩  
群谷吐艷一望成錦都人士載酒遊譚者號稱錦林常偕弟姪  
輩縱飲行歌互荅世味都忘有衡泌風因自命曰桃源主人居  
後柏竹交翠幽雅靜僻偕二子謀乃構室幾椽不事華飾號獨  
樂軒緣從空曠處栽花幾樹種竹幾植盤魚巢鳥草青蕉綠嘯  
傲物外披吟經傳余神暢遠則吟老梅花歌殘梁月炎暑至則  
謾搖塵尾高卧北窓几上時聚書卷纂集世務十數集編曰古



今故事老實遇佳客至則對榻譚各理客歸則且歌且酌焚香  
默坐消遣世慮江山之外第見風帆沙鳥煙雲竹樹而已室人  
方氏蚤卒余悲痛遂不復娶止以一妾自隨生三子曰聲曰章  
曰方教以一經淡於嗜欲謙於守已不露風裁藹乎若春溫不  
避斧鉞凜乎若秋殺奉二親以色養常慕北遊之嘆馭昆季以  
冲和屢懷姜被之風斯則主人所以爲主人而聊以自叙云耳

交遊昔

皇明天啟元年桃月上浣之吉書於種德樓

里至今... 美結余... 亦云... 余... 而... 十... 里...  
琳琳主人... 琳琳主人... 琳琳主人... 琳琳主人... 琳琳主人...

琳琳主人

琳琳主人



○和百二十文學叙

昔賢之善處兄弟苟助其成名不嫌自汙以貶其行不嫌自賤以埋其光雖其積慮之委至乎亦會失常情之可必也耶不幸奪常罹變而爲司馬氏之所憂荆株旣析其爾難權君子能逐情役物而憎自全之術乎哉此不佞有感吳政之文學之處家庭也文學昆季三人其尊人砥礪氣節而課成其學蔚爲邦家之蒼髦矣伯叔二氏初或失學而惰窳已復沉迷不屑治家人生產文學數誠之不悛無有掩護於尊人之前久之敗露無可奈何而尊人家徒四壁矣是時尊人夫婦春秋齊高伯叔旣已失業其身之不周而違周於父母膳乎所知多爲文學慮計無所出文學則慷慨直任曰昔子路仕衛思親有負米之嘆爲不



逮于養也以吾之逮養力出於身違有所推移以自暇逸乎哉  
旦夕之甘毳病疾之藥餌必先意而得其懽心資困不繼則課  
童蒙以繼之又誠感內子悉心中饋奩盡亦無違言父母安  
其膳養殆及十載越古稀而健飭善步履無改於故吾也族甲  
無不爲之贊嘆前此叔氏以匪比株連潛踪杳七禍延尊人文  
學匍匐代之數百里往返郡邑及事釋而暑雨之橐氈上下之  
控愬亦幾於萬死一生矣余爲社會於蘭陰遇于赤松之門握  
手把勞曰嗟子之爲父母兄弟也至矣孟子曰象憂亦憂象喜  
亦喜詩云兄弟既翕和樂且耽生平所學何事遇變而轉契其  
常以順於父母故余數其事嘉之且冀其卒云爾

萬曆甲寅春日

玄暢山人惟武愛弟斯一緒拜撰



○祭武齋處士文

三房和百廿五

維

崇禎六年歲次癸酉四月壬戌朔越二十有八日己丑眷社弟陳

時芳謹以薄奠致祭于

契友徵士武齋尊表兄吳君之靈曰嗚呼哀哉武齋子而遽齋

志以沒耶武齋子而竟棄余長往耶憶余之聚講法界也蓋尋

見山師舊盟思聯二三同志以延一線之緒而十易年所金蘭

零落吾道益孤乃武齋子奮然志學鷄壇把臂歎上論心所居

去余家百里而遙歲時講會或冒風雨奔赴已而不勝其痴之

嗜也至欲以所專有若者事余蓋亦愛而忘其醜乎余固拒不

敢當而君執念彌堅余循省滋愧赤矣而君自向學后益砥策



餘躬孝友謙謹樂善好施處姻戚宗黨間恩意尤惻懇下至佃  
僕亦無不飲君德者每朔望謁先祠輒以高皇帝六條諄復訓  
子姪輩余深喜雅志又深以得朋自喜而君病矣數年中屬家  
務鞅掌復以綸旨旌表尊人孝行故跋屨勞勩病且劇今歲春  
猶能寄余旌孝錄及所著詩集細詢君病狀則云雖粒食鮮進  
然日飲酒數升啟居酬應猶昔也予頗憂之而無何竟以訃音  
聞嗚呼哀哉嗚呼哀哉子實謏劣抱空志而躬行不逮且與君  
同病奄上床第生死不可知方賴一二法器警策我昏惰即一  
旦先苟馬填溝壑亦得藉手以共衍斯文一脉而君遂乘赤虬  
棄人間世乎則予之悲悼寧獨交情戚誼相關切已病耶甚不  
克躬赴又潦倒無文絮酒蕪詞聊志耿耿九京可作庶其鑒而



嗚呼哀哉尚饗

輓詩二律奉

上

武齋吳先生几筵如左

桑梓由來必敬共  
延陵父子偶相同  
曾看廬墓淒風雪  
又見揚親斃北東  
他石正期攻璞玉  
逝泉那復洗愚蒙  
高岑見在勤瞻仰  
不枉當年一畝宮

又

數載嶽岑聚講筵  
桃源選勝共蹠躔  
南遊分手雲鄉去  
東道慘心月下旋  
匡閣遺編聲敲玉  
空山吊影淚如泉  
猶追當日



叮嚀語克孝時看後胤賢

眷社弟陳正道敬書

禮部侍郎本林當平一適身

慰賜裝廿東贈百五限文類士張泉雅對州惠藻高以具

泰林由來必始共亟刻父子則即同會澤瀛基妻風雲又具

友齋吳式基山登峻式

同高志士

巨光前 鍾補二幹奉

樂人開世

高和平京若尚繁



○武齋吳先生集虛錄序

三房和百廿五

昔先正文錄蓋言性中之一理發于太虛之天而不自知者也  
易云乾以易知坤以簡能易簡而天下之理得非求之外者也  
是庖犧氏一畫傳心不煩詞而理自明堯舜禹得之則曰精一  
執中安汝止湯文得之則曰建中敬止孔子得之則曰一以貫  
之顏曾而下猶求或之言而道轉晦他日曰天何言哉四時行  
焉百物生焉天何言哉此一傳太虛之妙無集無不集而無乎  
集也嚮者吾友武齋子平生學每三變初業舉能文而困於司  
衡既而雅欲以詩賦自見又終而有志於聖人之學可不謂善  
變乎夫一變至道根乎心則易出於習則難武齋子何所振而  
然歟抑亦良知一動習自有所不能囿耶憶余二三知友方從



事于斯歲敦現西輔仁之會日求友於四方以益所未逮武齋  
子夙固有志毅然投簪輒以孝聞一切講筵時相砥切凡在心  
期將觀厥成焉亡何及週甲而忽焉逝矣愚偶聞遊不獲一訣  
迨還叩胤子而得手編集虛錄若干篇見其文言亡實際如見  
顏面亦不幸之幸也俄而厥子以序請區亡無知愧無言以章  
之顧其文自章何俟言哉而獨於集虛須一發焉夫古之君子  
乾亡克欲惟無所不虛也而無知之知道與之集今之君子汝  
亡於欲亦惟自以為是也而有知之知道已畔之蓋太虛者性  
之本体虛則明亡則誠無二事也無集之集也武齋子有見於  
是乎倘天假之年不遽乘雲以遊行且培其根蒂以達之枝柯  
拓其端緒以致于光明其進也寧有涯哉惜乎未見其止可慨



也吾儕有寡助之悲尤幸竊取遺言以自淑亦稍寬吾悲思矣  
厥子吾徒也偕諸孤味篇中面命之訓其各不愧於遺教哉愚  
尋在世契而敢忘一日之交警

昔

崇禎己卯菊月之旦

眷社弟陳正道直之甫謹序







贈高城至嵩吳翁慙行叙

三房和百廿八

予昔承

王命程士三楚歸而講學湖南披對之餘不覺夕陽在山因釋卷  
拉諸生步湖墅倦息于得月堤論古議今取羲皇以下人物品  
而評之或以道德著勲業名節義見慙行聞者咸藉上有所樹  
立 在青史間也友人聞子將仰而嘆曰樹勲立名之士何代蔑  
有獨其間有士藏岩穴發光潛德婦處閨幃效化繆木斯足重  
云吳寧陽之子作而言曰何君之槩難其人也余里嶺南吳氏  
有諱廷新字明之別號至嵩者廼周之延陵季札後裔也聰俊  
穎異勤事詩書蚤失怙恃勿偶於時其居家也躬耕課子幹公  
之蠱豈弟雍上家道齊矣其處鄉也易直溫恭與物無競月旦



嘖上膾炙人矣其與人也弗激弗隨準以公正而人懷其德其  
撫下也弗倨弗傲動以莊慈而下輸其誠其待殊方士也接遇  
以禮騷人墨客皆慕高風以沾休惠中饋陳善相夫子宛孟光  
風且溥待下之仁而下陳悉如小星之化子有端克岐克嶷克  
紹箕裘其前烈光後昆裕以若此者君以爲何如予曰巖穴之  
下至人居焉潛修之士韜其行跡安可執一以槩天下乎若至  
嵩君者古之所謂塵視軒冕浮雲富貴者儔也此固優於道德  
而節義且不足以盡之于勲業何有先民有言曰鴻飛冥弋戈  
者何慕至嵩君之謂也鷄鳴昧旦解佩贈問繆木成風小星相  
度陳氏助之謂也余安能去心之塵鞅踵武以相從褫俗士之  
溷濁盡四海而穆其清風哉傳云明德新民又若爲君言與



省

萬曆歲在戊午王正月上浣之吉

賜進士第

欽差提督湖廣學校提刑按察司副使前奉

勅巡視江西九江兵備叅議

眷生吧瞻葛寅亮謹

仝弟郡庠生鼎玄葛應貞頓首拜贈



高城吳氏宗譜

三

子家年重刊



至嵩吳君傳

三房和百廿八

午峯多佳山水賢哲挺生其間或以節義著或以孝友聞或以  
仕版顯徃徃以來詎乏其人迺若隱君子克紹前修而垂統緒  
者則至嵩其人也君諱廷新字明之別號至嵩大父竹山翁考  
月巖翁二妣咸李氏悉有賢行君甫三歲即失所生母至九歲  
又失所怙撫君肆成人者咸嫡妣之力爲居多也君自幼岐嶷  
不凡受業鳴盛賈先生深音噐之居無何嫡妣遭音疾延名醫  
百方調護不解衣不曉人奉養久之無怠及妣以疾革而逝君  
痛哭大慟哀毀骨立喪事葬祭悉準禮殫誠因之而置鉛槧不  
竟儒肄飄然泉石生平議論必依名節志趨不離煙霞勸農南  
郊吟風北牖清不離群濁不溷俗家庭安其孝友閭里挹其溫



恭至賓士及門茂不款洽墨客高雅尤爲親悅人是以設醴方  
之楚元也時萬曆戊戌甲辰連歲大稜道餒困悴慨然出粟賑  
之繼有亡者資棺葬之至若排難解紛片言自帖人是以好義  
方之季良也且行已有不可屈之操任事有不可及之愚當其  
家先故祠厭其堂廡湫隘族人有意廓之思君則於丁未歲首  
倡蠲貲裒衆率族鳩工聚材悉鼎荆政觀而新之歲在丙辰飭  
其規制遂置神主於新祠俾妥其先靈又於庚申思宗諱之殘  
闕恐族屬之渙散商之二三伯叔糾之賢達衆裔請師重輯茲  
數舉者光昭先德垂統後裔流澤貽謀皆仁孝之盛心也人情  
多避怨吝難而不樂爲者君獨爲之鋪張粉飾委婉周族不忌  
怨毀非揮霍之才汪洋之度天日之衷何以克任此哉厥配陳



至嵩吳君傳

三房和百廿八

午峯多佳山水賢哲挺生其間或以節義著或以孝友聞或以仕版顯徃徃以來詎乏其人迺若隱君子克紹前修而垂統緒者則至嵩其人也君諱廷新字明之別號至嵩大父竹山翁考月巖翁二妣咸李氏悉有賢行君甫三歲即失所生母至九歲又失所怙撫君肆成人者咸嫡妣之力爲居多也君自幼岐嶷不凡受業鳴盛賈先生深音噐之居無何嫡妣遭音疾延名醫百方調護不解衣不曉人奉養久之無怠及妣以疾革而逝君痛哭大慟哀毀骨立喪事葬祭悉準禮殫誠因之而置鉛槧不竟儒肄飄然泉石生平議論必依名節志趨不離煙霞勸農南郊吟風北隴清不離群濁不溷俗家庭安其孝友閭里挹其溫



恭至賓士及門蔑不歎洽墨客高雅尤爲親悅人是以設醴方  
之楚元也時萬曆戊戌甲辰連歲大稜道餒困惓慨然出粟賑  
之繼有亡者資棺葬之至若排難解紛片言自帖人是以好義  
方之季良也且行已有不可屈之操任事有不可及之愚當其  
家先故祠厭其堂廡湫隘族人有式廓之思君則於丁未歲首  
倡蠲貲裒衆率族鳩工聚材悉隄荆改觀而新之歲在丙辰飭  
其規制遂置神主於新祠俾妥其先靈又於庚申思宗諱之殘  
闕恐族屬之渙散商之二三伯叔糾之賢達衆裔請師重輯茲  
數舉者光昭先德垂統後裔流澤貽謀皆仁孝之盛心也人情  
多避怨吝難而不樂爲者君獨爲之鋪張粉飾委婉周旋不忌  
怨毀非揮霍之才汪洋之度天日之衷何以克任此哉厥配陳




氏溫柔淑慎肅雍于庭實祭絜饋中主潔精母儀足範于閨門  
者佳器一日有端君三十餘齡所得者幼入蒙學即穎悟非常  
稍長精葩經習舉于業觚蜚聲以爲先靈食報也邛君之德種  
種不能枚舉庶跡其槩以俟秉史者採焉

皆

萬曆庚申春王正月中浣之吉

邑孝廉眷生郭逢淳頓首拜撰







○和一百四十一隱君行狀

慨自六科取士之制而國朝顯于明經一途括之士雖負孝廉之行耽博學宏詞之養一射覆不當蹉跎歲時則有蓬蘽而已矣蓬蘽者非盡才之罪也然則夙昔未展而協與公事以昭冠冕訓迪童蒙以啓後彥其職業亦匪渺小也豈遽儕于耦耕之枯槁哉用之吳隱君故習明經數試郡邑著聲多士踰壯阨于縫掖乃棄去以訓蒙爲業其又十餘載于今矣爲人內行醇謹與物謙和綽有父風而其處事周委持已公平又爲族黨所素信公祠改剏與有經畫倡率之勞費焉祠就而念前此家譜旣多且率又歷四十年之久人經易世不及時修輯聚族而居至有茫然道路者誰之過也又祖德不闡明何以俾後人知紹述



乎於是則與同志謀之越二載而告成又付之剞劂以協物軌  
非直前此厘上有錄本也若然者非草莽之士所得私其職業  
者乎而或阻于力作或誦于椎俚皆得藉口自委幸不及于是  
而又惰窳阻格委於公共不急之務此望族之所以有闕典也  
豈直問左者以多自証以同慰滔滔皆是非閔乏才隱君獨能  
曳勉矢公盡心衆成茲百年曠舉子曰是亦爲政豈非一鄉之  
賢智哉曩者之云可以風矣

天啟元年孟春吉旦

賜進士第承德郎兵部武選司主事

許達道拜撰



○贈吳公士如實行叙

三房和百六十三

古之以吏隱者多矣然第有刀無遊刃浮沉名位間求其大試則大效小則小效指未易一二屈也以予所交吳君泚之東陽人諱廷諤字一卿別號士如其吏績也枳棘之棲與予苜蓿齋不數武而近詩云高山仰止景行止君殆隱於吏非以吏隱者也績故巖色藪澤中嘯聚無賴所謂不遇盤根錯節無以別利器者君胞有數萬甲兵當不俟三科之設而已殲厥渠魁群盜屏息不敢縱其鷹擊鷗逐有如此者績故無平疇曠野任民力作而山高水深旱潦不時至君願躬畚插度可以開水圳修橋梁者著之令利興而我任愛德其盡心于民事有如此者績俗故恬私宰向來蒞茲土者徃上利若賄而安若習百金逐歲



定爲例君至岩設禁犯者罰無赦人終不敢干以私懸瘞肉齋  
厨廓然無長物也其廉介有如此者績故有寃民王繼祿載應  
光程氏閔木索者已非旦夕君首廉其情懇請得釋盖庶幾張  
釋之之民而矜貧乏恒恤死喪不惟膏濡涸轍抑亦澤被枯骨  
其福綏愷悌有如此者此必有不簪笏而貴不錫命而榮不出  
位而委吏乘田鋒穎立見者也處則爲遠志出則爲小草予聞  
其家居時螢窓雪案攻苦萬狀于今古事博聞強記秩如也稱  
智侗儻有俠骨里巷待以舉火者數十爨捕義重然諾慎步趨  
藹然飲人以醇囂陵詬誶不形於色稱愿謹善事父平菘菽水  
有餘權寢疾湯藥必親嘗卧不解衣不入私室者凡二稔稱生  
孝終天之後哀毀骨立克匕焉如有所失皇匕焉如有求而弗



得三年猶一日也稱死孝其不幸而不以經術進當以儒行進而卒以他途進上而復不盡其用也固宜善刀藏之乃今而游及餘地也予故曰君殆隱於吏非以吏隱者也不然古之以吏隱者多矣若穎以若高唐皆幕客而不必爲異姓若飲貧泉若茹苦茶皆異姓而又不必爲幕客則其人不足傳也予所景仰而傳之者異君千載一人而已予雖不文而知君之深者實莫予若也故爲述其生平大致云


昔

天啟辛酉春三月之吉

鄉進士署績溪儒學教諭通家眷侍教生李

廸頓首拜撰







○棟公和百七十五序

凡山川毓秀岳瀆鍾靈生其人必其豪傑英雄耳余遊崑南名  
曰高城右臨雲洞後聳青峯栽培桃李滿目勝境此地有吳族  
居焉考其歷上英才世出代不乏人矣今有諱廷棟者容貌魁  
偉品行超群有舉鬪之力多靈變之機志氣軒昂專精韜畧時  
聞蠻夷騷擾頌

詔招賢公遂棄家業懽然赴往投獻韜畧之才挺身爭先勦寇凱  
歌猶易上也上聞之大悅即封爲守備鎮守山海蠻夷莫不畏  
服而兵民莫不沾恩生平經濟之才以此而彰盡忠之心以此  
而著矣後公歸家居于閭里接賓迎友敬老慈幼毫不以身貴  
爲榮然則如棟公者誠可謂耀祖光宗之品也予試思之豈非



山川靈氣之所種歟厥配蔣氏賢有內助育二男長曰有華次  
曰有萃咸克亢厥宗將來非尋常者所可比也余與公屬在知  
已稔知其行事叙其大槩以表云

嘗

天啓辛酉春三月之吉

邑孝廉眷弟胡永清拜撰



○和百七十六徵君孝行傳

吾先君庚申年重修家史以來三十有五齡矣族之賢哲或以道學名或以仕版顯或以躬稼釣譽於南陽難以枚舉至如迺翁生平惟孝友於兄弟雖未爲政人多鼓化豈可隱淪於無聞者哉翁諱廷祝字誠之別號華宇行和百七十六乃安七十九府君房安人之四子也孝自幼成淳從天縱年登弱冠母病極力求醫籲天自代割股及哺延甦匝歲脊鴿義重讓金而後讓產琴瑟調和宜室又致宜家課子芸牕先步採芹泮水呼童種樹採花食實西園郡邑扁有清評閭里模其制作每至和風化日偕良契攝勝桃源斗酒佳釵集子弟勤勞稼穡慕誼好施飢寒沾其餘潤西侯流澤慕屍每給衣棺娶張氏相夫有道妯娌



無睚而生四子有節有策有笈有簡均非凡器側室一女適昭  
仁許氏行至七旬公庭無涉優游晚景日泛金樽惟事朝暮雲  
霞山庭花鳥而已但翁善如鱗愚才如線不能爲華袞旌亦春  
秋激揚之意也并具俚語爲翁傳之

詩曰

蕩亡仙翁率性偏

老來孝義却如前

心上利名都不繫

滿腔生趣在西園

順治甲午正月

愚姪有端謹撰

詩曰

抱樂西園春復秋

桃花梨實侑觴籌

烏鳥尚啼霜鬢老

蒲輪指日到滄洲

庠生國士贈



○和二百十三惟義公行傳

公諱廷信字惟義系出宋文部侍郎碧公之裔安一百十八公  
第三子也世有潛德生公朴懋誠實不尚華靡自幼有志  
事二尊人也無違定省待昆季也友愛怡上持躬以勤儉自勵  
亦以勤儉訓家言不妄發事不妄爲處世以道和易近人喜揚  
人善不面道人非無論長幼悉與談今話古人與之爭必不之  
校足跡未嘗入城市治二親喪哀毀踰禮追遠報本必盡其誠  
他如恤貧乏通有無毫無吝色待戚族睦鄉隣有禮讓風公嘗  
自念曰欲積陰功莫若冒岐黃是以購醫書尤精於痘症四方  
來請者即慨然赴之不計其酬嘗得陶朱公策家日饒而業益  
增延師傅以課子敦孝友以傳家率子姓經營新址堂構森然



植蔬菓畜池魚逍遙于山水隴畝之間以自適其真趣誠葛天  
之遺民一鄉之耆善也配安人蔣氏溫柔淑媛善事姑嫜和處  
妯娌克相良人賢聲著聞生二子長有潤字君澤夙承父訓讀  
書好禮傳習醫方治痘尤工娶蔣氏相夫廸子內助稱良次有  
池字公惠箕裘是紹志事善承延款賓朋裕如也配賈氏姆訓  
素嫻克嗣蔣母之徽音且鴈行一轍恢拓膏腴視昔倍殷一女  
適西溪賈崇錦有光門楣孫男七如秀如程如聖如賢如稷如  
仁如禮皆崢嶸頭角玉立英七將來繼美前猷昌大公之閭者  
正未艾也公年踰古稀而逝安人先公二年而卒卜兆於姚生  
塘東道士堦沿之原然公偕老齊眉子象賢孫濟七豈非積善  
之報歟其先因親而卜遷吳樂塘余與公居相近趾相錯也兼



即君交厚故行誼甚悉不愧蕪陋聊紀其槩以俟如椽者採焉

皆

康熙己卯仲春望前三日

眷小姪許

型頓首拜撰







○順二教諭行狀

侄諱有學字行可號鴻初幼與同遊學其偕處者五十餘年厥  
子如龍以父沒不可以無文因丐於余曰父與公處亦久矣其  
行誼大畧公所夙知願一言以垂不朽余謝不敏爲之叙曰姪  
性椎魯尚氣節有豪行終身不少屈於人幼從賈夫子學中夜  
苦心力索僅以文章數篇尋習後一覽遂成誦竟以力學到遊  
黌序步棘園者二三科退歸受徒講學惟教人敦實行朝夕講  
論不置口以故其徒皆有實學處友重然諾相聚必以歡雖古  
久要不是過常飲人以醇期以興盡而止即罄壘所不恤有光  
風霽月之度遇事好敢言不畏衆議祖和廬基朱山朝暮往返  
其境拜奠號泣即從學遠歸亦必造廬存問時鄉人舉孝行郡



縣詳確其實姪慨然出資申請後竟以孝行聞事二親以孝郎  
有不率隨幾諫婉諭卒歸于道待昆季以友愛課二子以勤儉  
平生無傲言無倨色自奉惟以儉約衆有不納于則者諭之及  
至卒命家人偕余及兄良至其室正襟危坐譚笑而逝有古結  
纓風蓋亦余家備人也惜以早卒勿克愜其志不得不爲之扼  
腕云是爲叙

昔

皇明天啟元年上浣之吉

叔廷詢甫拜書



○贈順五翁五十叙

詩祝黃耆合背大都三壽難老之身然又曰如日之升雖以服  
艾初政豈不可預介茲福哉夫德壽之基也事德之徵也處士  
幼喪父則已卓有志操總及成人遽能光其門戶於是大父春  
秋高而念身爲冢孫父職家督之謂何則復代父以服其勞焉  
生而軀幹精強應酬練達雖慷慨爲然諾有古俠士風而慈和  
委婉密能劑踈大父年踰九十猶骯髒負氣左右少不當意爲  
廢七箸而處士獨能順適其志意稱慈孫焉其事母稱是匕以  
三十年煢匕時一展其愍顏苦諸父昆弟及子姪無不隨尊卑  
以得其宜以此族里群服其爲人生平見事輒舉且不憚勞獨  
任一門之戶役公府之輸納以時而下亦不困于緩急也雖少



廢學而權衡理義舉動多合詩書前此大父角弓彰怨而曾大  
父未久不窳而處士遽徇捐貲窳之以完曠舉首鼎建新祠及  
修家乘尤欣然與有勞費焉諸大義耿七率皆類此禮稱五十  
曰艾服官政行于家庭鄉黨是亦爲政而處士之以其年行誼  
善於一鄉詩云無忝爾所生處士有焉從此壽日登而德日邵  
耆善化俗月旦著聞仰助良有司之風教豈異人任哉配葛氏  
闡政賢淑能助孝行仁者有後即今繼嗣數艱而商瞿七之勝  
下已預卜其繩七矣

皆

天啟元年仲春之吉

邑孝廉眷生胡永清拜撰



○順十四傳

公少勤學而無求仕之意唯是講明性理以禮義自裁其身故  
與伯仲怡怡盈歉同與雖析產後無異也以至橋道修布凶荒  
賑與之事無不樂而爲之爰鄉中以德行稱之者聲嘖嘖焉後  
明進士爲金華屬官者奚士龍公署東邑而聞其德行也以朴  
茂旌其居云







○贈 南川吳懿行叙 三房順十七

屢科理策鄉征偶暇設帳於南崑之高域群弟較莠之余逍遙  
山水譚及世情士俗有彥長君珪云桃源深處有一逸民諱廉  
翁字應介別號南川即珪之從兄也因舉其孝友敦睦懿行以  
語於予予觀其埋光鏟彩碩德起人粹養天和潛修性體誠太  
平之逸叟盛世之儀型也有光霽之懷天空之量人稱其莠而  
不知其爲道中之莠人羨其才而不知其爲德中之才椿萱藹  
藹常懷斑舞之恩棠棣怡怡每切相輝之映善述謹約之德永  
懷明哲之修人謀若已視侄若兒閭閻欽其德業月旦美其清  
評昔置常於梁渡時濟急于飢寒築別業于他山延鴻儒於義  
塾無何跨鶴而歸窺窳先翁毓蘭植桂助田配祀克壯先猷邑



令獎其仁善堪風予固曰廼翁純德若此非室人賢助鴻孟之  
風曷臻此哉詢之實有唐夫人之孝德周太姪之和諧悠游快  
樂齊眉七袞生四郎伯諱如堯仲諱如舜叔諱如商季諱如漢  
宜其多福多壽多男矣翁德若林非襪線所能華袞者因君珪  
布其槩故爲翁叙云

平之 峇

辛卯桃月望日之吉

郡庠廩生通家眷弟郭景暉撰

山水齋又對翁士谷亦... 仝庠愛弟有玠頓首拜

...

...



○贈高城明德吳翁懿行叙

三房順二十

余楚閩校士告歸優遊藕花別墅四方以翰墨見徵者槩焉杜謝乃有品閔於振風範俗司世教者又不敢以不敏辭也余家世吳寧自王大父徙之武林雖吳山越水之隔歲時伏臘來往如縷則余依然東人也家弟叅軍鼎鉉氏時願山中一尊相聚備述高城大宅相與君諱有道字明德別號行鄉行二十廼周延陵季子後裔孝子安世二翁之曾孫和世五公之仲子也素秉行誼孝弟篤敬簡易恬澹居身之繇余聞而敬之慕之謹據述而書之曰琳七瑯七馳聲譽於當時者上也其次不有宗族稱孝鄉黨稱弟者乎今君綽負德行慷慨和易貌樸形古心虛意誠三代之英也上也云乎哉吾聞其孝矣事葛安人也匪獨



問視彌勤遘親之疾寢食兩廢顛天無繇至於病革喪事塋祭  
盡禮不忒且卜溪田之源以窀穸焉孝何至與其於伯季友于  
之愛花萼增輝推腴取磽田荆倍茂怡七仁讓子姓蒸然家政  
肅然悌何至焉耶人以非禮干者公坦然自若未嘗形於聲色  
有以不直質者每以公道剖之絕泯阿徇之私且急公好義際  
國家多事勸宗族早輸課稅母令追呼又曰飢饉薦臻天灸流  
行即出粟帛藥餌以賑療之周隣里之急無吝心德色也大而  
至於修家乘清祀田明出納謹烝嘗靡所不周迨至於延賓客  
親故舊課義方謹興作無有少懈由是金學正題曰金管高評  
鄉間推重邑大夫嘉其行誼顏其門曰恩崇齒德升之國賓榮  
以冠帶服禮服言法言在泮飲酒環橋而欽視者僉曰樂只君



子邦家之光猗歟休哉邈乎不可尚也已娶淑人許氏鼎族媛也温恭淑慎相夫馭下母儀足法一子如璋繼志述事幹父之蠱克紹箕裘孫曰尚春致志詩書才名膾炙丕振家聲勿替引也今公年躋耄耋猶然矍鑠惟日所領趣山間明月與澗谷清音茂對花木忘机鳥魚取快三萬六千場中他何慕焉噫嘻如公者四德備而百行全謂之二代之英誰曰不冝余也因家弟篤涓陽之好信見聞備述之真敬據其實而津上樂叙焉敢曰不斐而辭不敏也特書以贈

賜進士第資德大夫正治上卿戶部左侍郎前尚寶司

正卿

典試山西正主考



冊封氓府奉

勅湖廣提學叅議福建提學叅政兼副使奉

勅巡視江西等處兵巡僉事南祠祭司郎中侍

經筵講官眷侍生葛寅亮撰同弟

題授金州海防同知加一級中順大夫前岫巖通判以武功轉

題授東江叅謀叅將都指揮使協理南北水陸官兵

兼監軍事宜鄉飲大賓眷侍生葛應貞仝頓首拜

忠今峇

歲次癸巳孟冬之一日

意厥恭賦歸休夫賜不特於我君一于以聖德志衣率轉安文

平明家公亦無與林楚楚于不仰尚也百製賸人情刃則刻對



士○順四十一處士叙

人生職業隨時變化一龍一蛇莫可端倪夫苟膠固而難推移  
是硜上屈轂之匏也處士早年棄父能呻占嘑爲明經數角試  
里選得雋一不得補諸生居快上嘆弱條不重結芳蕤不再馥  
日月逝矣吾何迷戀一席之腐議哉則遽棄去習治生爲人性  
行侗儻遇事慷慨尋不愜其志意乃仗劍爲海上幕府試其籌  
策授以軍中記室數載歸上則出其囊貲爲子母錢息居嘗慕  
季布馬伏波之爲人以為貴能積亦貴能散丈夫豈屈首爲錢  
虜者哉前此市地孝順鄉之俞墩窰其二親既十載餘矣俞墩  
故豪貲耶郭某地也市後少縮其直豪啣之及泰昌之長至月  
侵奪其旁以塋弟女處士聞則投袂而起倉猝聚族數百人夜



往墓所詰且則柩出於塚顛倒于奔石中矣豪趨聞縣而處士  
曰富甲婺東非爾敵也應之曰豪力不過死我知死而避豈勇  
哉及與豪囚首坐頓首階庭披血滿地出詞慙憤無所顧忌時  
當事者雖陰受豪閔說而察處士爲親情篤又懼其氣難豪則  
斲其地歸原窀而豪別市墓地乃前所縮直也是日鄉邑人觀  
看滿象魏不舉手爲處士樽慶真傑士也處士事幸白而日椎  
牛饗衆所費殆幾百金是役也初度昆季柔軟不能抗敵且田  
家作苦吝于出納吾何窘之哉其有古任俠氣槩如此今夫平  
當習儒雅緩急尚意氣此趨世之大節也故伏波之遭新亂棄  
畜牧而遊蜀隴不覩今東西之邊鄙乎哉豈得藉口無事出海  
上未試之奇乘血氣盛強之日鼓灌夫報親之勇寧忘志士之




雄圖七之此其時矣

皆

天啟歲次辛酉仲春之吉

邑孝廉李能惠拜撰







○順四十二處士吳公叙

邇來當事者每欲搜求逸品採錄懃行傳之書冊以佐盛世昇平故有聞高流之氏名輒低徊留之而不能去誠以懃好所存不啻口出云也高城有君典吳先生者弄月吟風致追茂林撫松種菊意在淵明余以爲優游泉石中人也乃考其生平秉性至孝奉事父母甚謹一日際母盧氏有疾籲天請以身代夜至烏傷雙林古刹求醫調治涉大江入深谷朦朧之中有光融然爲之引道亦至孝之所感也後母得愈壽延耄耋罔極之報公庶幾其無忝哉乃爲大父營菟裘所費浩繁公不惜以身任之祀產數百餘爲豪右所侵皆公料理恢復俾祖宗血食萬年不替公之力焉且與諸昆季克友克恭真所謂華萼交輝雖五王



聯被曷以加茲娶厲氏相敬如賓主刑于之化令人感頌不衰  
生三子長如梅次如槐幼如梧俱令耕讀爲業有欲圖庶人而  
在官者公蹙然曰此非種德處也令習本業弗許之遷噫其秉  
心愷悌又何如者公諱有唐字君典號希堯行順四十三爲和  
十五翁次子享年七旬有餘生於萬曆癸丑十月初一日子時  
卒於順治己丑十一月二十三日正衣冠集孫子訓以勤儉二  
字遂蕭然而逝公之品格信爲岳靈所毓粹而昴宿之呈祥者  
也余爲畧叙其大槩以脩當事之錄採焉

崑

順治歲在甲午仲春花月之吉

眷侍生方學元頓首拜撰



○順四十三吳希堯隱君小傳

吳隱君諱有唐字君典別號希堯行順四十三和十五公次子也瀟洒有幽致樂與泉石爲盟遂棄舉子業見有各山異水即臨玩之見有喬松翠柳即哦咏之結茆於山中種菊百餘本極甚珍護昔有晉處士今有吳隱君無二也自玩物適情而外一切人世可驚可羨之事毫不櫻於其慮緣胸次無榮瘁故出之坦如耳其地多桃每當桃開時冠蓋絡繹遊者踵相接或飛觴或賦詩詢知隱君高躅俱流連不忍去其曠達傾動人有如此性至孝事父母晨昏定省靡有間一日母安人盧氏遘疾焚香籲天隱君請以身代抵烏傷雙林寺求醫大晚迷路倉皇不知所往忽見有白光一道前引踰大江出深谷曾是不意嗟乎此



冥七者就啟之哉後遇醫母疾獲痊享有高壽人見以爲孝感  
之所致又爲其大父卜牛眠漆城鬱七所費不貲隱君盡括已  
囊以爲購織毫不推委又高祖祀產數百餘爲豪右所侵併隱  
君極盡心力清復舊畝澮如初至今蒸嘗賴以不匱子七孫七  
勿替引之惟隱君處手足最友愛娶厲氏終身相敬如賓未嘗  
一反目其上自祖先父母以至於兄弟妻子無不秩七賓七出  
之以禮而家庭之內又復整肅如嚴君絕無非禮之事相于故  
寧徜徉於山水聞顧而自樂永矢勿諼也生三子長如梅次如  
槐幼如梧俱課以正業有欲供簿書者公拂然曰名教中自有  
樂地何必廼爾斷七不允致其立心之正舉皆類此順治己丑  
年十一月之二十三日忽正襟危坐呼諸兒訓以勤儉不絕口



享年七十有餘考終於正寢


峕

順治甲午歲菊月之吉

郡廩生胡如春頓首拜撰

高城縣志卷之六  
三  
崇禎甲午重修







○若慶吳君傳

三房順八十一

凡山川之崇巖彭湃不可以目極者毓其人必且雄豪磊落以爲經世之才廻環繞翠潺湲而漣漪者必毓清閑雅逸之俊理固然也余遊邑十里曰高城幽岩翠嶺饒有箕山之致潭澄澗碧饒有汝潁之清知其中必多隱君子者乃二年而未得一見焉予因且自疑曰山川之理亦或不盡然耶於卒而有從余遊者曰如日出乃君之狀以請傳曰先君少亦習舉子學屢試不第輒棄去以寄情於松筠詩酒之間故凡觸物留銘皆存漢陰夾人五柳陶潛之意今有園曰抱甕結離垢亭臨活潑池率先君之經濟也予曰嗟乎吾固知其有若人也使令若人在焉予與往還其間不或有可觀乎雖然古來君子丰致可挹予不一



觀其行迹者蓋不知凡幾矣茲得與其子遊不猶愈於不獲一  
觀者乎則雖君之可傳遠當以不傳也而山川之理於茲已信  
其必然矣因耶傳而不辭君諱有章字君慶號栢操娶任氏生  
三子長如年幼如時從游如日者其次也卒順治丙戌十月十

六日寅時

出於孫文君以諱稱曰汝孫少亦皆舉子學過始不  
無于皆且自錄曰山川之野亦短不無然耶汝卒而亦於余

順治甲午孟春月上元之吉中必必烈孫于皆以二平而未嘗

國然也余按邑十里曰高城幽谷眷侍教生陳颺頓首拜撰

為孫文大國歟熱學爾爾而甄然皆必無書開報受文外數

凡山川文崇齋後我不可以目然皆爾其人必且於稟露將以

心表觀與孫幹

三



○儒生聖可行狀 三房順九十

有恆字聖可穎悟絕人少年名譽蚤起才力有過人處以數音  
屢落其性躁而競於進自謂計程可拾青紫鬱抑不得志遂染  
虛恙經三載立志不墮即在阽危中稍疾可尚徧閱經史探討  
濂洛不傳之秘一一加實際工夫竟卧疾不起而賣志以逝卒  
之日無所屬他事獨以親恩未報爲憾然猶諄匕以學易爲尊  
人勸卒於天啟辛酉正月十一日卯時生於萬曆癸巳十一月  
十三日丑時尚少顏氏子之三歲妻賈氏太宇公之孫女子一  
如芝方七歲能讀父書惜哉吾甥少負俠骨重義輕財胸次間  
光霽磊落不與俗侶相徵逐大槩遇事好慷慨立論不甘屈折  
于人以故囂陵者畏其強項邪窳者避其談鋒居常喜占詩賦



其音律風致出入漢唐識者賞之使蚤致身亨通之途其奮樹

寧可量乎

天啟辛酉季春止浣

外翁賈宗簡撰

天啟辛酉五月十一日

...

...

...

...

...

○謝聖百谷

...



○贈順九十七隱君傳

吳有度字君法號紹南秉性剛方爲月旦所推重立言公謹處  
閭里而有方敦禮好義接物穆如課月耕雲齊家井如凡鄉曲  
中一切公私無不同閑休戚其所居之地崑東別一桃源春風  
瀾漫花千樹不許漁郎來問津可謂世外遺民山中逸叟者矣  
令壺張氏德比孟光賢同魯母承順公姑謙和妯娌井曰操作  
無不身先貞靜幽嫺屏去鉛華服飾紹南君今際六旬隱德潛  
光內助之功居多生子三長如幹仲如翰季如乾皆資性卓異  
他日光前啟后予不能無望焉因傳之存之譜系

嘗

順治歲次癸巳桂月之吉



四川遵義府知府眷侍生許嘉祐頓首拜撰

維日貴道輝煌早不殆無憂話因外立林文翰系

貴國祖文也林參主子二斗收節林樹紳李收節書堂許京里

與不長衣良帶兩職其去遊華州繪錄而謀今潤六院對無遺

本遊幾列錄此孟武其同曾世承顯公故歸味賦對英自許者

滿數蘇于樹不精無源來同事既歸世代靈只山中感與百象

車一賦公迷無不同關林其以錄文賦異東微一將此亦風

關里而沐衣輝輝夜鐘林林蘇波清民賦異齊察侍殿其張曲

與休製字蘇志靈錄南乘其調衣為凡其近林重立言公請調

○顯則此十十烈許許



○贈高城四我吳君善行叙

三房順百四十九

余崑南高城吳氏歸然一望族也孝義敦倫之風接踵其間近  
復有四我翁以善狀聞辱在余姪親台一日孫壻如締者偕昆  
玉索片言紀之斯亦孝思迫之爾余不穀涼德潛山固辭之不  
可得叙曰翁諱有端字君緒別號四我父行名和百廿八公母  
陳氏庶母金翁其冢嗣也少習舉子累試不售以幹蠱著緣陳  
母忽焉捐館父亦相繼遐升痛母氏之貞淑恩深如父隨俗血  
盤三載惟謹浸而仰思祖先建宗祠置祀產頰曾捐貲修理并  
及上世祀產偶爲強鯁所奪鳴憲恢復三百有奇歲已卯牟秋  
水 大荒出粟二百斛請邑令公輸賑比年不倦旣而丁亥國  
步維艱白寇猖熾衆推爲社長宵旦防禦所費百餘金寒或解



衣喪或助殯鄉井賴以無虞餘如周族里修橋梁興社校葆初  
齋翠屏軒有遺跡焉居恒本業課子務閑逍遙山水之間桃源  
爲娛杜門謝事又其塵况之欲脫者也誠如是是亦鄉之善士  
矣翁生甲辰七月初五日娶杜氏婦順明彰故繼娶胡氏存子  
七人曰如經如緯國士庠生杜出如繹如綱如紳如縉如縉胡  
出咸彬彬克世其家彼蒼之報施善人明甚余遯世衰頹久廢  
操觚嘉乃善狀種種譔爲蕪詞贈之

野史氏曰聞之吉人爲善惟日不足何嘗令人知然有典有  
則書家乘以貽子孫又何可不令後人知矧以子而紀載其  
親之善能自巳乎善如 四我翁欲爲善人子猶難箕裘是  
紹立身行道以更顯揚之又 在諸昆玉之誠身也於父風自



有光焉

峇

順治癸巳桂月之吉

道學齋長眷侍生陳正道頓首拜撰

高成吳心宗詩  
卷之六  
三  
辛亥年重修







○順百五十九一我吳君傳

大抵爲人子者凡有可以承順致其親之懽心者必無一之不爲即有力之所爲不及者亦必求其及而已也若高城吳君者可謂無不及矣君諱有珥君進其字別號一我隕陽尹士如翁之長子也少異常詩文了了無不揮毫如意而于繁華時務則必一切置之似無一能行者此固其素好恬澹實天性也至弱冠而翁出仕績溪君隨任而納粟焉後歸家事悉以相屬翁且由績溪歷任隕陽越十餘載而君肩其家事悉經營因益焉人問之曰子何前拙之甚能也則曰非余甚能父命所在不得不盡乃心力耳後翁歸視其家績廢修墜舉且有意及而未舉者亦旣見諸經濟翁歡然曰是真吾子也矣此非力之可及輒無



不及者耶翁晚年病若耶仰訴於天願以身代翁果獲愈又豈  
非力不及亦求其及者耶乃世有力之可及而且不一及者獨  
何心乎然則有如君者可令湮沒不彰至使後之爲人子者不  
得聞其風而起耶令其子如鎮適持行狀以請因據狀而傳之  
嗟乎爲人子者果如君夫亦庶乎其可矣生之日爲乙巳之三  
月廿七巳時丁亥十一月廿八日戌時生卒娶室二正姓斯繼  
姓朱產子一卽如鎮七尚少然崢嶸穎銳吾知天之所報孝子  
者當卽在其身矣

嘗

大清順治甲午夏午日

眷社弟陳颺頓首拜撰



○似君圭兄

順二百三十四

去吾邑十里爲小桃源其中澗谷隱然櫻花千色代有神龍虎  
豹之姿與夫仙人釋子之竒致旁及名花異卉靈芝修竹之屬  
在所不乏至其堅貞竒古之氣磅礴委積於天地間萬物之所  
不能得者時爲高碩彥之所鍾而處士君圭生其址云君圭身  
入芹宮雅好文字每馳騁韓柳歐於毫端若不以此壓倒當世  
不止及一旦不嗜棄如敝屣盡收其銛鏘以蕭然於無用之鄉  
猶若恐有人之知之者遂上寄意於陶劉稽阮之迹而放蕩其  
形骸余嘗于三月間聞桃其家君圭爲予飛觴插羽歌弋陽腔  
聲出金石去後猶當作三日想而清狂豪雅之趣似不出陶阮  
下獨其欲壓倒當世將與神龍虎豹仙人釋子共爲當世指稱



顧乃藏其神智徒與芴卉芝竹雜處此土余之所未釋也豈真  
倣古避秦之意而入之惟恐不深者歟然其青白古今不可一  
世使非解外膠不挫於氣神完而守固者亦孰能至於此

崑玄默執徐黃鐘律玄匕色匕空匕中人陳颺頓首撰



○君榮吳公傳畧

順一百六十七

已卯春余族諸叔姪同至午嶺之陽瞻掃先世祖塋四方桃花  
盛開惟桃源境色尤美拜墓之後不憚崇山峻嶺欣然遊賞過  
其祠見家乘纂修工尚未竣試閱其編有慶賀德敷閨訓諸篇  
皆出名公贈遺其間佳言懿行燦若列星嘗讀誌有庸德以載  
一邑之爲善譜有德敷以記一族之爲善乃有諱有恩字君榮  
者余之母姨爲公之配也咸稱忠厚淳謹之人詎乏一言以表  
揚之乎余才雖踈淺義奚容辭考其先自敬八十八公徙胡樂  
塘以來累世積德務本傳家廼考廷賓公母王氏生公一人朴  
懋誠實勤儉治家惟事二尊人明發有懷謹言慎行恂恂如處  
子肯堂構拓膏腴延師傳禮戚族早輸國課而門無追呼之擾



奉親廸子而庭有聚順之歡公嘗自謂隴畝耕耘出作入息自  
食其力無求于人吾願足矣何必營七逐七妄希名利爲哉配  
厚和堂許氏淑慎柔溫善相夫子洵爲內助之賢者四子長如  
孝次如悌三如忠幼如信皆恪遵前訓勤謹克家幼如信尤能  
讀書曉義箕裘是承孫三人玉樹森七蘭芽挺秀將來光大公  
之門者豈可涯涘測哉易云積善之家必有餘慶况先世積累  
宏深天之報施必不爽也因親誼敬述其槩以爲傳

皆

康熙己卯暮春上巳日

邑庠眷表姪陸國倚頓首拜撰



○君澤吳老先生傳

行順三百

嘗觀天下之品類不同而好善利濟之心則一也上者身膺爵秩惠濟蒼生則群黎戴德次者席豐履厚而樂善好施則貧窶感恩再次者或精堪輿或習岐黃皆可以廣仁術而德垂于後矣今吳氏君澤公者德行昭彰烏可默上而不傳乎公諱有潤字若澤順三百其行和二百十三公之長子也生而穎異篤于書史遂發舉業平生慷慨事二人晨昏定省待昆李克篤友愛嘗自謂曰爲人者旣不能終舉業豈可碌上在其世而爲庸常乎不如習岐黃之術即可以濟人又可以積德遂奮然購求醫書朝夕搜閱必求其精于是四方來求請者慨然毫無利取此公之德也厥配名門蔣氏素嫻內助姍義可法生三男長曰如



高城與山只言  
秀次日如程幼日如穆皆能克盡先立俱名門  
尚德尚桂尚枝尚源尚桓咸英敏超常堪稱偉器  
進光通光迺而清秀崢嶸克允厥宗麟趾呈祥  
報施良有以也噫公之德行如是余適公族重葺家乘考其生平無一不出于善者故不愧荒陋表而著之

峇

雍正九年歲次辛亥孟夏月上浣之吉

眷小姪邵景川拜撰



○公惠吳翁行狀

行順三百八

竊謂先人有德而不揚謂之遺善無德而揚之謂之溢美遺善者失溢美者誣二者均失尤不可也適值邑南高城吳氏重葺家乘正當闡揚潛德之際有公惠翁自上祖徙居六十一都環溪大園翁之德行昭々在人耳目聞者烏容湮沒不傳乎公諱有池字公惠行順三百八和二百十三翁之幼子也正直謹厚制行端方居家孝友處世謙和善治家居積日饒肯堂構拓膏腴倍增先業惟朝夕課子治農桑兢々不怠配西溪賈氏溫柔淑慎四德咸備克相夫子內助稱最賢者長曰如聖次曰如賢三曰如仁幼曰如禮咸能孝親友弟睦恤鄉隣克勤克儉恪守先業皆名門淑配孫尚森尚林尚興尚發尚標尚楠尚祿皆能



克承先緒公生于順治己亥年二月廿九日亥時卒于雍正辛  
亥年二月初四日子時曆五十八都道士塔沿墮公有德行如  
是故鄉黨咸嘖匕稱道不置予屬至戚幸獲知之雖甚不斐姑  
摭其實行聊紀其梗概非敢有溢美云爾

嘗

雍正九年歲次辛亥孟夏月上浣之吉

西溪邑庠生賈延斐拜撰



○處士汝升吳君行紀

理世五

君諱如超字汝升順九公冢子生而豐姿白哲廣額秀眉順九公每私慶曰承家克肖矣垂髫教以學文耶從理學陳誠源先生游能融會理要惜天奪母壽弗獲竟其志秉性純孝每先事以承父意順九公以君單身無兄弟常不快於心即勸之取庶母已而果舉昆玉四人其伯父順五公無子欲議所繼則毅然曰次弟如越其分爾也千金之產悉以歸之順九公所置膏腴產業不多取一畝悉均分於諸弟以故同氣怡怡卒無間言君之高義族黨咸欽慕之迨

國朝定鼎之初闔邑多軍務而公適爲鄉保長倉卒以濟軍需所費多出已資故家產日益零落人或以此訾之而終無愠色曰



窮通有命耳平居清約自守意豁如也都人士皆佩服其德  
侯陳公特旌其閭尤精於岐黃術人有痾疾干之者輒濟藥石  
以治之酬之以金卒不受人尤以此難之且其一段繼述之志  
終身不忘順九公嘗造荆浦橋建四德菴以祈嗣聞其圯壞即  
戒諸弟與子修治之公之制行可謂窮且益堅老而不墮者矣  
詎知天道好還常佑善人不十餘載而厥嗣諱尚美者學陶公  
致富術經營籌畫悉中窾會遂復祖業富埒於鄉君時年雖高  
而精神不疲每邀朋叙舊談古論今終日餌飲怡情有香山洛  
社遺致享年八十有六終於正寢噫以君之耄而嬰鏢受祉無  
疆其誠所謂年高德劭福壽兼隆者乎不佞與君嗣最厚因得  
習見君之行事知君之深故畧言其梗概若此而特媿其未文



也姑記此以俟之來哲

峇

康熙己卯孟春之吉

通家眷侄蔣

璧頓首拜撰

邑侯陳公給帖

金華府東陽縣正堂陳

爲獎勵事查得六十三都保正吳如

超誠以馭衆惠洽輿情不憚豪右柔克解紛更敬循職掌約束  
地方俾盜風息而鷄犬寧誠人中之表表者兼且孝格天親義  
鍾同氣推食于飢解衣于寒猶人所難能當此飢饉之際保正  
舍此其誰與任宜合給扁旌獎以固其行以勵將來須至帖者

獎語一鄉善士



右給帖仰保正吳如超准此

日

順治四年三月

帖



○處士國英吳君行畧并贊

三房理八十

吳君字國英諱如越順九公次子也生而岐嶷幼承庭訓恂恂不違因伯父順五公無嗣遂爲之繼焉自繼之後奉侍順五公與安人晨昏定省盡承歡之節未敢少懈故順五公甚愛惜之不啻親生也順五公嘗遘疾甚重諸藥不治國英君計無所出禱於天割股以療之病因之漸痊越數年而順五公辭世國英君哀悼異常絕而復甦者再三飭喪治葬咸求盡禮事聞於遐邇都人士大相器重之長兄年邁怡怡友愛撫三弟無間言後家業益饒好善樂施廼考嘗造荆浦橋建四德庵久而頽圯國英君不惜重費恢廓其規模家乘重修合族公舉爲總率以助厥成親朋有貧乏者贈遺賙濟絕無難色人與之爭輒不之校



或多取其所有郎推以相讓其恬澹自得和順不乖槩可見也  
配葛氏性幽靜不妄舉動勤女紅奉舅姑以孝謹稱生丈夫子  
五長曰寧三曰宰葛氏出次日宇四曰宋五曰宦側室張氏出  
咸彬彬謙退而知爲千里駒也且三胤宰君克紹箕裘善承志  
事勩厥譜事勞勤不辭女二俱配名門孫一光雲迥異凡兒狀  
之所述如是因從而贊之曰俗之弊也不務家修而以才勢凌  
其宗族者多自命爲傑士以視國英君之敦孝友好施與其退  
讓其相去爲何如也然則積善於身必有餘慶况若年將耄矍  
鑠健飾如地上行仙由此而壽臻無疆孫子繩七繼美大振家  
聲此固天道好善報之不爽者乎因先錄其大畧以俟將來之

券云



肯

康熙三十七年歲在戊寅陽月

通家眷小侄蔣 璧拜撰

詩

庚戌春日遊桃源洞至高城辱延陵主人款留漫題悖粲  
誰信仙源可問津我來風景恰逢春衣冠絕不同今俗鷄犬  
渾如遇故人茂樹環山香卉七飛花逐澗水粼七相邀石畔  
成酣醉願得辭家學避秦

廣陵李

三月桃花二月開高城春色勝蓬萊映亭嫩綠參差見拂檻  
輕紅深淺裁鳥弄好音解主意風飄香郁度賓杯開懷盡醉  
扶歸後疑伴劉伶入洞回

逸人張世鳴



步入桃源路轉餘  
偶從星客泛仙槎  
好山十里堪留戀  
折盡溪邊蒲樹花

又

仙源處上欲迷津  
有客來探洞裏春  
試問漁郎歸棹後  
風光猶得似先秦

萃示金昭



○理百四伯武公傳

人之秉彝本乎天性剛強處世得乎其正此乃豪傑之士耳余有宗兄字伯武諱如緯者恰是然也父順百四十九公有隱德弗耀富甲於鄉生兄胞仲七人兄居次也伊父清初時招不解橫禍兄默七弟無聲伊父赧然曰自向轅門告理獨仲子如緯者不推兄弟不避笄鉞不與妻子商七唯諾爭先冒辱罔罔與父代難此孝義甚可褒也茲因重修宗譜錄叙其事族有若人剛而有禮率直無偏鄉黨無不輸服第恐後裔衆繁抹其孝義謹誌云七

皆

康熙巳巳孟夏月朔日之吉







○桃源處士傳

理百廿九

處士吳君諱如繹字伯成庠名國士世居懷德鄉桐川里之旁  
滯塢桃林可數里許每當春盛放一望繽紛處士因營精舍于  
居側而顏其額曰桃源洞天蓋托景寄志之意人遂因以爲號  
云處士生而卓犖倜儻不羈工文辭博通書史年甫弱冠蜚聲  
庠序試輒前茅旣乃謂雕虫小技斲我天真無益遂不甚措意  
而一以葆和養恬爲事山巔水湄陶化自適與會所至吟咏隨  
之而尤深得醉鄉之趣向之所謂雄襟傑氣者一切消而鎔之  
于詩酒且飲且歌以樂其天而無競于物油化然有五柳之遺  
風焉精舍之後有圃有亭蒔花種樹其樂忘機左右圖書時供  
清玩客至則呼酒携榖相與浮白於亭上必盡歡乃已化則拈



韻揮毫品題風月以鼓其餘趣或花柳良辰集其親朋隣里于  
此往也如是然而寓意于是而未嘗留意于是也每嘗謂劉伶  
阮籍吾取其達不取其放其和而有節如此處家庭篤于孝友  
融也洩也外內無間言事繼母胡氏如所生胡愛之亦如已出  
人尤以爲難與人接物不設崖岸而胸中淄澠甚分又其忠厚  
足以服人鄉黨曲直咸就而質正焉片言剖折各得其平族之  
父老子弟莫不愛之敬之生而重之沒而思之每讌集往也相  
與言處士在時高致曰某人如是如是有鼠牙雀角之不能平  
者必念處士曰某人在則無是矣其行修於家而係族人之望  
也又如此娶葛氏才優內助一切家務悉經裁決勿以累處士  
閑也之致有丈夫子六人長尚彬次尚楨次尚楣次尚松次尚



模幼尚櫛教以義方皆恂上謹厚堪世其家一女適屏岩杜氏  
其坦曰締文與余有金蘭之契爲余道處士梗概如右且囑余  
筆余謂處士負瑰竒磊落之才不屑馳逐聲名而退然知止歸  
真返璞以亦政于其家而達之間里族黨使人思慕之而不忘  
若吾子之云者是真可不朽也已遂役穎而述其言以爲處士


傳

肯

康熙己卯孟夏月上浣之吉

雅溪晚學盧人宏拜撰







○安翁府君傳

理一百三十五

予自順治壬辰歲因吳東翁敦請較菘於桃源與國安賢契課  
舉子業予知其幼而孤長而穎悟過人潛心菘苑閱其文乃必  
售之技非池中之物也後因母氏孀居視寢問膳晨昏定省以  
糧務家事煩冗一心不克兩營遂棄舉子業而綜理事務焉承  
先人積德之基繼志述事肯堂肯構而克拓之平生柔嘉維則  
溫然如玉孝友謙恭正己化人宗黨視爲高山景行人人仰望  
以爲晚近不芴覲也予何用復贅哉第好善有同心揚善非過  
舉君之孝友天性訓子義方閨門雍肅宜家教國之理備矣燕  
居或對皓月吟詩嘉賓飲酒左琴右書于焉消憂逸志翩翩儼  
似羲皇以上人焉其處世也和光睦俗風清月朗令人親愛而



歌樂只焉况予素所交契之久安能默上而已乎君毓三公郎  
曰南曰衍曰澤盡是芝蘭玉樹其象賢昌熾尚未可量也長郎  
尤善孝友割股救親何芳規相繼不爽所云天之報施善人理  
所固然哉

爰爲之贊曰繪水不能繪其聲繪月不能繪其明繪吾君之  
鬚眉不能繪其性情君之潛修在暗室大節在家庭慕聖賢  
之懿矩陋世俗之庸名樂天詩淵明酒濂溪之風月庶可彷彿  
其生平

歲進士眷友生陳颺頓首拜撰




翁性高邁雅志詩書頡頏清雲鵬飛鳳舉數竒不遂優游野處  
策杖松陰吟風桃塢藐富貴於浮雲甘林泉以自悟其殆古之  
隱君子乎而流輝後昆者又曷知其數

峕

康熙甲戌歲仲秋之吉

春元趙承錦拜贊







○陳壽母之傳

五福以壽爲先則壽其難矣而亦不可概言也六十而曰花甲  
壽能全一週之花甲已難矣七十而曰古希則愈難至於八十  
而耄九十而耄不更難乎今吳門陳太母踰耄而屆期願此豈  
尋常之眉壽耶殆天地靈氣所鐘國家瑞氣所闕也太母高城  
諱如鎮字國安翁之淑配出於安文之名門壺道素嫻其嬪於  
吳也琴瑟甚調相敬如賓事姑嫜甚謹先意承志得其歡心宗  
族稱其孝高城兩岸桃李號爲桃源洞每歲季春桃花爛熳遊  
人輻湊安翁廣交遊賓客盈門太母郇厨整飭日煩不怠遠近  
聞其淑德安翁中年廢學雅好琴棋每日與予伯成岳父與合  
如太翁或奕棋於書齋或鼓琴於林下悠游自適家政一聽太



母之主持而家道日豐太母壺德不可及而內助之才尤不可  
及也生有三子孟尚南次尚衍幼尚澤皆從事詩書數音不偶  
孫人光紳光紹光綬光緒光績光綿光絃光綿光繼光續太母  
年九十有一肅然白髮含飴弄孫夏迎風而處冬向日而坐諸  
孫繞膝諸婦晨昏篤敬無憚櫛沐不辭膏肝皆賴乳哺之功居  
多太母之福又不可及是壽以福貴福以壽顯也踰數載即登  
期頤之壽吾知安期之棗曼倩之桃必並獻華筵亦不深羨愿  
貴族長者臚其實跡聞於當事請 太府之錢建百歲之坊以  
表太母之壽而顯國家之瑞自有彤管之贊揚無庸鄙俚之陳  
言今因纂修家譜先傳其畧以爲後日之左券




雍正八年仲冬月

眷姪婿屏岩杜秉昌偉文字拜撰

清康熙五十六年

三







○伯懷才傳

理二百三十一

桃源居士諱如綬字伯懷者乃余家侄婿也予見其妙齡俊秀  
溫文爾雅習舉子業文苑精通惜乎尊翁見背年未冠昆玉分  
居遂棄所學而綜理家務焉夫君之才調敏持理繁治劇排難  
解紛處世事裕如也其在家庭入孝出悌謹信親愛善事庭闈  
友愛昆玉閨門整肅其處世也與人無競渾俗和光鄉稱善人  
若天假以年擴克先業光前裕後可預擬矣惜乎壽與顏子相  
上下可勝嘆哉嗟乎蘭生於谷人必採之玉藏於璞工必剖之  
士高於俗天必忌之玉樓之召勢必不免矣幸君有子曰楷足  
稱象賢雖去猶生矣幸有細君陳氏行同共姜雖亡猶存矣洵  
所謂男爲人中龍虎婦爲女中丈夫然也否耶爰爲之贊曰



年少歸仙志事未全幸有細君誓無二天冰霜節操撫女毓  
男女習好儀子訓義方繼志述事婚嫁全完諒君心慰含笑  
九泉

昔

康熙三十八年桃月望日

乙丑歲進士眷侍生陳 颺頓首拜撰



○陳氏安八節婦傳

理二百三十一安人

從來言母範者不及才則貞靜爲坤維之極而佐夫子者不言  
德故宜家兼經世之猷是以桓母相君柳姬教子樹千秋之芳  
躅垂百代之令名古今所傳由來尚矣族有叔父諱如縉字伯  
懷者配安文陳氏乃名家之淑媛也事舅姑至孝處妯娌至和  
相厭夫鷄鳴而昧才德兼有宜其琴瑟永諧而無花殘月缺之  
傷矣胡天不佑而良人早逝子尚楷年方五歲而遭此不幸之  
際並無怨天尤人之念栢舟自矢旦課厥子晝菽丸熊舉凡米  
鹽瑣屑之事酒漿井臼之操無不克勤克儉噫而陳氏者謂之  
爲節誰曰不宜獨是爲人臣者願爲良臣不願爲忠臣爲人婦  
者願爲佳婦不願爲節婦婦而以節稱非婦之幸也然而有其



才者有其德又安可無其節哉今幸吾弟克承先志而德行彰  
于鄉黨胡可默也傳耶今重修家乘聊述數言不足以表其  
萬一厥後載諸史冊垂諸奕世而良人亦藉以不朽云

皆

雍正歲次辛亥孟夏月上浣之吉

姪尚澤頓首拜撰



○伯運吳翁行傳

理二百五十七

公諱如遠字伯運係順二百三十八公之季嗣也其先出自朝  
生公之裔迨先公發祥高城山川毓秀嶽瀆鍾靈恒產善人君  
子而伯運公稱最焉秉性淳厚體貌謙和人非善不交物非義  
不取先業雖云素封公善承之綜理有條克拓前模增光先烈  
尤樂善好施里族有急輒賑濟之有危輒扶助之雖有善無伐  
有勞無施至事二人也定省溫清未嘗少懈待昆季也愛敬怡  
怡人無間言其處族黨朋戚也恩且禮焉公之素行迄今猶膾  
炙人口不衰厥配陳氏淑慎溫和善主中饋克相夫子洵內助  
之賢者胤嗣四人曰唐曰虞曰際曰爲咸克承考治有乃父風  
女三喜慶門楣今公年屆耄耄尤修德不倦又有令子象賢咸



稱繼述之善誠鄉党中不多覩也將來孫枝玉立繞砌庭堦光  
大先烈寧可涯涘測乎古云作善者祥務德者昌不于其身必  
于其子孫其餘慶可預卜也適族中有葺修家乘之舉余表侄  
以公之德行來請余傳以載不朽緣固辭不獲即托諸彤管以  
識其梗概俟異日各公執如椽筆者採錄焉

肯

雍正歲次辛亥仲春之吉

府庠生葛 葵拜撰



○祝吉翁七秩壽序

行理二百七十六

嘗謂天所賦爲命人所受爲性也命之理乃壽之原也是以人能全其所賦之命復全其所稟之性固所以修德而可以永壽矣今邑南高城有諱吉如者年躋古稀身健康寧步履不杖正所以能全其性命之理能盡其性命之事所以能全其壽也按公諱如慶字吉如行理二百七十六順二百五十九之賢穎也幼而敦厚長而純粹恭以持已恕以待人威儀棣也小心翼也正其衣冠閭閻皆樂效其丰采尊其瞻視鄉黨群奉之爲楷模功名不足以動其心富貴不足以移其志他務不計在也惟念罔極之恩庶事不違時也惟切劬勞之念淑配王氏幽嫺婦道貞靜閨職一子尚敬穎悟超群三女俱適名門孫光元俊秀聰



明靡不謹承父訓焉然則如公之名譽茂于鄉党德行垂于後  
嗣者豈尋常之輩所得幾及耶公今春華誕七秩福德駢臻諒  
公之壽必不止此矣由是而至八十九十至百歲而不難經曰  
仁者壽傳曰有德者必得其壽殆公之謂歟余與公屬在至愛  
稔知其德叙其大畧以祝其壽云

嘗

雍正九年歲次辛亥孟春月中浣之吉

孝廉眷弟陳啟瑾拜撰



○仲仁吳公傳 行理二百九十五

吳公諱如信字仲仁者考其上祖由高城而徙居環溪大園發祥也公生而朴茂雅實不爲華貌事親以孝定省不踈敬老慈幼睦族敦倫其教子以義方其齊家以雍肅克勤克儉堂構聿新恭以持已恕以待人一心以公平接物排難解紛不長強禦雖有跳梁者不敢與之肆焉禮接親朋盡至歡悅凡理常事靡不竭心鄉黨咸嘖匕而稱之曰盛德之人也淑配美里張氏能執婦道咸稱內助之最賢者生四男長曰尚漢次曰尚潤三曰尚濬幼曰尚滿俱卓然超俗能承先志女一配嚴弘意長娶龍山郭氏次娶後溪于朱氏皆貞靜閨職孫曰光權年方齠齡眉宇俊秀將來克亢厥宗者可拭目以待也余適公族重葺家乘



向承至變祿知公之德行故不敢以鄙俚爲辭慨然聊述于所  
見者表而著之

昔

雍正九年歲次辛亥孟夏月上浣之吉

眷小姪邵景川拜撰



○爾公吳君傳

行成八

予自順治壬辰歲因吳東翁敦請於桃源與爾公賢契輩課舉  
子業相與朝夕切磋磨勵芸窓潛心書史予嘗試其文稱獨  
步小試屢售宜乎賢書首薦名冠群英矣惜乎生不逢辰筆花  
無色而英才湮沒有志無時可勝嘆哉幸君不及於浮名不  
戚於困阨一惟積德累行孝友家庭慈心於物正已化人恂  
恂睦俗未嘗以賢智先人豈非出類拔萃超然世外者哉雅云  
溫七恭人惟德之基君誠似也君諱尚卿字爾公配俞氏毓五  
公郎長曰輝次曰耀三曰熾四曰熠五曰煜芝蘭玉樹無愧謝  
氏之庭英七秀品奚啻寶家之桂將來光前裕後輝耀閭里當  
以予言爲左券矣



贊曰積學待問經綸滿腹有志無時無心馳逐養晦丘園陶  
然自足左琴右書詩酒自淑逍遙世外永矢勿告

歲進士眷友生陳 颺頓首拜撰



○贈爾清吳君行傳

行成七十四

余昔時授業高城因東君吳爾清諱尚廉行成七十四係理七十五翁之長子也見其人形樸貌古切近文墨心端意誠類有懿行者乃長子光富以課業從游脩述厥考居身出處之繇素秉行誼孝弟篤敬急公好義正以持已恭以與人生平所念奈不幸年未半百而痛其不存也母子孀孤丐言傳之予聞而矜之惜之謹據述而書之敢以不敏辭哉吾聞其事親也遵父瘋疾舉步艱難十有數年匪特問視勿懈預圖大坂之原以爲早計可謂無違之孝矣其於伯仲友于之愛怡怡仁讓家政攸宜可稱鄉黨之弟焉至于征徭課稅勸族里以早輸母令追呼每於凶年飢歲里有不給于鮮者輒身代以移貸以追親故舊延



賓客靡所不至其處鄉黨隣里間靡不有可稱而可名者娶朱  
氏溫恭淑慎敬奉舅姑爲能勤儉持家而有士行生四子一女  
繼志述事克紹箕裘嗚呼如君者行全而德備惜乎未能事雙  
親于已老偕妻子以同庭優游永日獲無疆之福而天假之以  
年使之以不存也于順治辛卯年九月廿九日午時其生康熙  
丁丑年正月初二日卯時其卒嗟嗟君非平時綽負德行厥後  
妻子和昌女適名門長子見孫家政肅然子姪烝然庶可甘心  
瞑目含笑于九泉而無餘憾也矣此天之所以報施善人不爽  
如是夫爰書而授之狀

通家眷弟盧人廸拜撰



○凌雲吳翁行傳

成八十四

余嘗與友遊邑南高城吳族歷覽桃源勝境遍觀山川秀麗未  
幾而憑眺良久人影散亂日之將夕蹙屨靡聘孰意有彌高之  
老叟諱尚龍字凌雲翁者整其衣冠率其子弟延入於其家旨  
酒是承嘉穀脩具余與友皆醉而宿焉慤慤折節勝石平素之  
交耳覩其儀容殆若有溫公之風不獨事父母有定省之文待  
昆李有友于之樂即治家之政克勤克儉義方式訓無乎不周  
外而族黨有危輒扶助之有急輒賑濟之縱有善無伐有勞無  
施及至親戚友朋恩且禮焉修祖器成常業立家教明倫禮修  
庵宇建堂廳雖與衆共効其力乎或者惟翁實甚翁之品請咸  
推巨擘焉

內則蒸爛四德蕪至舉案齊眉又有令子



四人皆超

文二俱適名門而見玄四代濟也罕有

其匹况壽而耄耄童顏黑髮不必扶杖而觀太平又奚料漸臻  
而祝無疆非甚盛德曷克致此余由是擴其梗概附諸家乘之  
末以俟輶軒採風者錄焉

嘗

雍正歲次辛亥仲春之吉

通家眷弟廩生蔣

哲拜



○處士爾昭吳君傳

成九十一

桃源吳處士諱尚南字爾昭乃吾家姑夫國安公之長男爲吾之表弟也予見其立身制行效聖賢之心冰清玉潔有丈夫之志海濶天空至于揚人之善濟人之急救人之危其所素具也不待予言矣予之所心悅而誠服者其吾弟之孝行乎且夫孝亦不一矣人固有不能爲而勉強爲之亦非易也亦有不能爲而有勇而爲之者尤難之更難也夫承歡膝下服勞奉養亦云孝也視寢問膳晨昏定省亦云孝也夫孝子有深愛者必有愉色有愉色者必有婉容色難豈非孝乎孝子不登高不臨深不伐木不殺獸守身豈非孝子此固有能勉而爲之吾見其人

甚至



自非血性奇男子明善誠身安能奮然才  
者孝悌之心油然而生矣而况于親炙之者乎予所爲心悅誠  
服不能默也無傳也君娶美壘張氏宜室宜家克相良人共成  
孝道育二公郎長曰光紳儀容俊雅總角就傳次日光綴克岐  
克嶷甫離懷抱皆謝家之宝樹將來螽斯詵也麟趾振也皆高  
大吾弟之家聲當以予言爲左券云

贊曰孝子天生出類超群血性奇男割股忘身太史采風名  
奏彫廷求忠於孝蒲輪來迎揚名顯姓榮耀雙親白雲之徒  
少峯之孫名垂不朽千載傳稱

歲進士 眷表兄陳啟鼎 八首拜撰



